


40111°

2



弇山堂別集卷六異而非異也曷世而外迥黃池因

皇明異典述序

夫國之有典也則號令慶罰皆在焉其曰典者何志

常也曰異典者何志非常也諸創國者皆不為常者


也其業可大而法可久習之則為常是故曰典也自

古有天下之盛者莫過唐虞三代唐有天下舉畝畝

之鰥民而委之政既得政則繼天子之所任岳牧侯

伯而修之既修之而復峻用其子其後輒舉祖宗之

人民社稷而付之商有天下舉五就之遁臣而委之



政既托孤而廢其主廢而旋復焉尊之曰阿衡而待之以不臣周借其國付渭川之釣叟使埒父稱而師事之又以其幼子托之於介弟使据君位而朝諸侯其歿也又崇以天子之禮樂典而異者孰並哉及其衰也以定王却楚之晉文尚能守空名之隧而不肯予以九合諸侯之齊桓其相國尚能守陪臣之分而不敢渝非衰主之賢而創主之易也其勢殊也明興高帝取天下於腥穢之虜勢不得不有所更革天造草昧事取意裁及未討論至末年而始截如矣其始不能無異也雖然異而非異也易世而後或革或因

乘時變通加以潤色固無論已其它或不無一時之好而有所登進或不考於甲令之舊而有所抵迂或飾喜出於燕暱而少折衷或疑功歸之惟重而未爲衡或假無方之立而不必公或取政府之徇而不必當或言路啟於新進而不暇詳或曹局迫於奉行而不暇執主之者快而旁覩者駭授之者以爲常而受之者以爲異也余故識而述之其有抑斥者亦附焉凡十卷以從異日稗官之後

皇明異典述一

再上祖宗號

嘉靖十八年改上

太宗體天弘道高明廣運聖武神功純仁至孝文皇帝尊號為

成祖啟天弘道高明肇運聖武神功純仁至孝文皇帝加上

皇考恭睿淵仁寬穆純聖獻皇帝尊號為

睿宗知天守道洪德淵仁寬穆純聖恭儉敬文獻皇帝按

世宗欲罷

太宗之配天而宗祀

獻皇於明堂以配上帝故有所更置耳

天子別號

正德五年

上自號大慶法王西天覺道圓明自在大定慧佛特給黃金印白玉軸頭誥命嘉靖三十五年恩封

睿宗為三天金闕無上玉堂都仙法主玄元道德哲慧聖尊開真仁化大帝

獻皇后為三天金闕無上玉堂揔仙法主玄元道德哲慧聖母慈化天后

孝烈方皇后為九天金闕玉堂輔聖天后掌仙妙化

元君

上初封靈霄上清統雷元陽妙一飛玄真君加封九天弘教普濟生靈掌陰陽功過大道思仁紫極仙翁一陽真人元虛玄應開化伏魔忠孝帝君再加太上大羅天仙紫極長生聖智昭靈統三元證應玉虛總掌五雷大真人玄都境萬壽帝君自是至四十五年又不可勝紀矣

天子爵封

高皇帝初渡江下太平稱行中書省馬步水軍大元帥下建業稱江南等處行中書省中書右丞相吳國

公尋進吳王皆諸將推而以宋龍鳳主命行之也

正德十三年七月司禮監太監蕭敬傳奉

聖旨近年以來虜酋犯順屢害四方兵戎廢弛其遼東宣府大同延綏陝西寧夏甘肅尤爲要任今特命總督軍務威武大將軍總兵官朱壽統率六師分布人馬或攻或守即寫各地方制勅與之使其必掃腥羶靖安民物至於河南山西東北直隸倘有小寇亦各給與勅書使率各路人馬剪削朱壽者

上所自命名也尋召內閣九卿科道官於左順門諭旨皆泣諫弗納八月手勅吏部總督軍務威武大將

軍總兵官朱壽統領六師掃除邊患累建奇功特加封鎮國公歲支祿米五千石吏部如勅諭奉行該尚書陸完等執奏不聽仍批注于後軍都督府帶俸十四年正月手勅吏部鎮國公朱壽特加太師又傳旨諭吏部總督軍務威武大將軍太師鎮國公朱壽今往南北兩直隸山東泰安州等處尊奉聖像供獻香帛祈福安民內閣部院科道部屬官極諫不聽八月傳

旨寧王宸濠悖逆天道謀為不軌擅殺巡撫等官燒燬府縣荼毒生靈傳聞已至湖口將犯南京即令總

督軍務威武大將軍總兵官後軍都督府太師鎮國公朱壽親統各鎮官軍征勦又傳

旨朕親率六師奉天征討仍托總督軍務威武大將軍鎮國公名號還寫制勅便於行事

三祖爵封

高皇帝之曾祖四九公宋龍鳳九年贈資德大夫江南等處行中書省右丞上護軍司空吳國公是曰懿祖祖配侯氏贈公夫人祖初一公贈光祿大夫江南等處行中書省平章政事柱國司徒吳國公是曰熙祖配王氏贈公夫人父五四公諱世琰贈開府儀同三

司上柱國錄軍國重事中書右丞相太尉吳國公是
曰仁祖配陳氏贈公夫人豈諸將臣上之而以宋龍
鳳之制行之耶抑龍鳳主來見策也

兩宮並尊

憲宗初 嫡母錢上徽號曰 慈懿皇太后生母周
曰 皇太后 錢太后崩 周太后始有聖慈仁壽
之號

正德中 母后張已上徽號曰 慈壽皇太后矣

嘉靖初加尊號曰 昭聖慈壽皇太后稱皇伯母而
聖母將止稱聖章皇太后三年加 張太后尊號曰

慈壽皇太后 蔣太后亦加號曰 章聖慈仁

然皆有一字異也十五年 昭聖加恭安二字於康

惠上而 章聖加康靖貞壽於慈仁下遂並加八字
無別矣

隆慶六年今

上即位 上嫡母陳號曰 仁聖皇太后生母李號

曰 慈聖皇太后而萬曆六年加懿安於仁聖上加
昭文於慈聖上十一年仁聖復加康靖二字慈聖亦
加明肅二字蓋不惟等重無別而字義之微亦微軒
輕矣

親王賜道號

世宗末賜徽王厚燾號忠孝一真人遼王憲燾號一真人黃金印大於國寶後皆追奪

親王將兵

國初 皇姪文正以總兵鎮洪都諸將悉聽節制後秦王征西虜晉王燕王征北虜楚王湘王征五開洞蠻俱領勅為大將統兵公侯皆聽節制有功永樂元年初下京師

制高陽郡王高煦克征虜副將軍北平開原諸衛及從征官軍悉聽節制

親王授官

國初 皇姪文正初為同僉書樞密院事特拜大都督府大都督 秦王為宗人令 晉王燕王為左右宗人正 周王楚王為左右宗人俱正一品 諸王公主初定歲祿

九年定諸王公主歲供之數親王歲支米五萬石鈔二萬五千貫錦四十疋紵絲三百疋紗羅各一百疋絹五百疋冬夏布各一千疋綿二千兩鹽二百引茶一千斤馬疋草料月支五十匹靖江王府歲米二萬石鈔一萬貫餘比親王減半馬匹草料月支二十匹

公主未受封者歲支紵絲一疋紗一疋羅一疋
疋絹三十疋夏布三十疋木棉布三十疋綿二百兩
已受封者莊田一所歲收糧一千五百石鈔二千貫
親王子男夫受封者歲支紵絲羅絹冬夏布綿同公
主女半之男已封郡王者歲米六千石鈔二千八百
貫錦十疋紵絲五十疋羅二十五疋紗二十五疋絹
一百疋夏布一百疋木棉布一百疋綿五百兩鹽五
十引茶三百斤馬匹草料月支十匹女已受封及嫁
者歲米一千石鈔一千四百貫親王世子歲賜同郡
王郡王之子襲封者比始封郡王減半郡王女縣主

親王歲祿之異

已嫁者歲米王百石鈔五百貫後至二十二年以物
力不給更定爲今制自初封十王之外未有沾被者
親王歲祿萬石攷宣德元年 周王歲祿加至二萬
石以 太宗母弟也 漢趙二王又加至各三萬石
以 太宗親子也若 代王六千石 唐王五千石
韓王三千石 伊王遼王二千石 岷王一千五
百石 肅王一千石則以邊餉之不繼或多賜莊田
草場以益之非有隆殺也

親王功賞之厚

宗王以賢德維藩不當有戰功而

高帝則獨重之洪武中秦晉燕數北征有功賞最重楚湘次之其可考者晉燕二府賜鈔各一百萬錠楚王征雲南阿魯禿等處賜秦馬三千匹黃牛二千頭犛牛一千頭羊九千隻

永樂賞谷王穗金川門功樂七奏衛士三百金銀大劍金三百兩銀三千兩鈔三萬錠綵幣三百疋良馬四匹金籠鞍轡一副又馬二十四匹金鞍二副銀五百兩鈔四萬六千錠錦十疋紵絲綾羅各六十疋絹百九十疋又銀千兩鈔三萬錠袍衣三襲絹五百疋

白兜羅綿一條西洋布三十疋檀香三百斤降真香五百斤胡椒蘇木各千斤良馬十疋羊百控酒五百甔椰子三百火者百人賞蜀王椿發谷府反謀功黃金二百兩銀千兩鈔四萬錠玉帶一金織袞龍紵絲紗羅衣九襲紵絲紗羅各五十疋絨錦十疋綵絹千疋兜羅綿十條高麗布一百疋白米千石胡椒千斤良馬十疋金鞍二副又銀四千五百兩鈔十萬錠米萬石紵絲五百疋紗羅各二百五十疋絹一千疋兜羅綿六十條蘇木五千斤胡椒三千斤玳珠一百九十二兩馬一百五匹金鞍二副火者百人洪熙賞趙

王高燧 山陵功白金三千兩鈔三萬貫綵幣二百
表裏馬十匹

親王誕辰特頒

永樂初周定王橚誕辰賜冠一通天犀帶一綵幣三
十疋金香爐合各一玉觀音金銅佛各一鈔八千錠
羊十腔酒百餅立春賜綵幣三十疋珠翠春花各四
十枝酒千餅羊百牽馬十匹金鞍一副按我朝諸
王於此二節例無慶賜獨定王以同母弟得之至王
薨而後已蓋特恩也

親王封國改建

洪武初封吳王橚改封周王封豫王桂改封代王封
漢王楨改封肅王封衛王植改封遼王

親王降封

永樂中徐王允熾降封甌寧王奉懿文 皇太子祀
郡王同親王

高皇之世 皇姪文正以大都督總制南昌摧陳友
諒後雖用驕僭致殞而念親念勲 上實不忘故其
子守謙雖封郡王冠止七旒祿止二千石而特設內
外承奉長史等官宮城莊田宗社之類皆與親王等

宗王獻詩獎賞

洪熙元年韓王冲焮襄陵王冲焮樂平王冲焮各獻詩頌 上嘆而嘉之賜 勅獎諭北之東平河間仍賚韓王白金五百兩鈔六千錠錦六匹紵絲二十表裏紗羅各二十疋二王各白金二百五十兩鈔四千錠錦三疋紵絲十表裏紗羅各十疋仍令戶部加支本色祿米有差 祖宗朝親親右文其隆渥如此

夷王如親王

西虜如忠義王北虜如太平王如和寧王皆待之以王號取羈縻而已獨永樂 哈密忠順王築城池賜金印復設長史紀善衛經歷以中國庶僚周安劉行 肅思誠克之則儼然親王矣哈密累建累廢後爲土 魯番所併雖以 詔旨還王及印微弱不振終難復 也

異姓追封王

國朝推劉氏白馬之約於勲戚大臣無生封王者惟 贈典則有之今記於左

滁陽王郭子興以舊帥追封

楊王陳公以外大父追封徐王馬公以外父追封俱 無名外高祖太王外曾祖高王俱無姓

隴西王李貞以姊夫及子文忠功追封

中山王徐達開平王常遇春岐陽王李文忠寧河王
鄧愈東甌王湯和黔寧王沐英定遠王沐晟河間王
張玉定興王張輔東平王朱能宣平王朱未以功追
封
平陰王朱勇以死難追封

寧陽王張懋定襄王朱希忠以恩舊追封以上廟像
用七旒冠皮弁及誥命用寶軸金冊寧陽定襄後以
言者追論非例見禡

又

洪武三年大封勲臣所謂生封公死封王者凡六人

其後李韓公善長馮宋公勝皆以罪不得封而封王
者湯信公和沐西平英也沐定遠晟朱宣平永已不
能無異議矣朱平陰之死敗績與丘淇公同而得封
王爵至李隴西貞張寧陽懋朱定襄希忠抑又異矣
異姓封王

永樂末年也先土干來歸賜姓名金忠封忠勇王奉
朝請其祿俸儻從在公之下侯之上然累加太保太
子太保等官又在京及典兵出征非四夷封爵比也
贈三代王

洪武三年追封鄂國公遇春爲開平王十六年曹國

公文忠爲岐陽王十八年魏國公達爲中山王二十五年西平侯英爲黔寧王俱追封其三代曾祖七父爲王鄂魏曹以勲西平兼以戚也洪熙初追封東平河間亦三代王後無之

再進公號

吳元年封中書左相國李善長宣國公右相國徐達信國公時上尚爲吳王也洪武三年左丞相宣國公善長進封韓國公祿四千石右丞相信國公達進封魏國公祿五千石

再易侯號

豫章侯胡廷瑞改封臨川侯

父子易封

甲令襲封仍故號常忠武遇春封鄂國公薨子茂襲改封鄭國公茂得罪第昇改封開國公鄧武順愈封衛國公子鎮襲改封申國公納哈出降附封海西侯子察罕襲改封瀋陽侯濮英贈金山侯子璵改封西涼侯

遙授國公

廖平章永安爲張士誠所獲不屈被囚遙封楚國公卒後改封鄭以避王封也

恩澤公

高帝最重公封下於王一等其時獨李曹公貞以尚
主由恩親侯進封然與其子文忠同爵不甚異也至
二十三年都督僉事胡顛以 皇克妃從子侍楚王
征蠻洞功甚微進封梁國公則甚異矣末樂初徐定
公增壽以 皇后弟輸欵被禍封遂世襲嘉靖初張
昌公鶴齡以 太后兄推恩郭翊公勛以督工進封
真濶異之典也然昌翊二國是流爵非世襲

襲爵公侯贈王公

襲爵公侯伯非有奇功異能沒不得追封王公侯亦
今甲也寧陽王爲英國公懋平陰王爲成國公勇定
襄王爲成國公希忠康蘄春鐸之封蘄國陳泰寧瀛
之封寧國宋西寧瑛之封鄆國吳恭順瑾之封涼國
孫會昌繼宗之封剡國李忠憲賢之封豐國蔣敏毅
琬之封涼國皆襲爵內朱陳宋吳四人皆以死事則
寧陽定襄誠爲曠典而嗣侯得之亦爲異恩矣

文臣封爵

按大明律文臣不許封公侯又云其生前出將入相
能除大患盡忠報國者同開國元勳一體封侯謚公
不拘此例謚當作贈疑誤也按稱封侯謚公又云不

拘此例則侯似可封然所謂生前云云恐亦追封也
國初自李韓公後不復見成化中欲進封王越亦以
此例而止

封公者中書左丞相韓國公李善長以開國輔政功
封

封伯者右丞相忠勤伯汪廣洋以輔政封御史中丞
誠意伯劉基以籌策封廣東左布政使東莞伯何真
以降附封何斌附斌附臣已上

太祖時封階勲尚二品而何公不言階勲顧歲祿至
千五百石已在一品上矣

兵部尚書忠誠伯茹瑄以迎附封已上

太宗時封勲階皆正一品矣

兵部尚書靖遠伯王驥以平麓川封禮部尚書興濟
伯楊善華蓋殿大學士武功伯徐有貞以奪門封已
上

英宗時封

都察院左都御史威寧伯王越以破虜封已上

憲宗時封

南京兵部尚書新建伯王守仁以擒叛王封真人恭
誠伯陶仲文以修藥餌封已上

世宗時封

汪劉陶不世襲劉卒後其孫推恩封一輩至曾孫於嘉靖中復封何楊傳一代廢茹徐傳世指揮使隨革今得世襲者基驥守仁而已

嘉靖初修定策功內閣大學士楊廷和蔣冕毛紀封伯爵子孫世襲固辭而許廷和子孫世襲在京四品文職冕等五品俱不就

文臣支伯爵俸者嘉靖中真人陶仲文以祈雨少師嵩年八十加恩隆慶初少師徐階十八年考滿加恩辭萬曆中少師張居正十五年滿加恩辭按嵩之伯

爵俸定議千二百石又本色八分折色二分所以爲優若干石則在正一品下比之舊支正一品兼支尚書俸更薄矣

錄軍國重事

洪武元年李宣公善長徐信公達常鄂公遇春於階勲下帶錄軍國重事若因元之舊耳三年宣公進封韓信公進封魏改帶叅軍國事而同封李曹公文忠爲同知軍國事馮宋公勝鄧衛公愈爲同叅軍國事蓋不無少軒輊也十年信公湯和加設知軍國事頗重以後不入銜

文職冒武號

國初公侯爲輔運伯爲翊運武爲宣力而文爲守正汪忠勤廣洋劉誠意基爲開國翊運守正文臣而無推誠字蓋殺其禮也茹忠誠瑞因之其後王靖遠驥號止推誠宣力楊興濟善有奉天翊衛八字然俱稱武臣雖秩隆於前三伯而文職冒武號不自覺其誤矣後徐武功有貞自爲誥券始復改正而靖遠興濟遂援以請亦得稱文臣洪武中公有光祿左柱國榮祿右柱國皆帶特進而侯止榮祿柱國伯止資善大夫護軍靖遠以後乃俱爲特進光祿大夫柱國雖伯階已進次通侯然職典章者亦不爲不誤也

文武勲號之優

勲號在洪武者曰開國輔運在永樂者曰奉天靖難久之則曰奉天翊衛或以祖勲而封後人者曰欽承祖業其武職則曰推誠宣力文職則曰推誠守正而已惟張英公輔初以奉天靖難推誠宣力武臣爲新城侯洪熙給誥以上公故特加輔運二字正統實錄成加佐理二字共得十二字朱宣平永加佐理與徐武功有貞加奉天翊運推誠宣力守正得十字而王靖遠楊興濟因之後王威寧王新建亦因之蓋奄有

文武之美非故典也嘉靖中封常李鄧湯後四侯誠意一伯給本身誥券只當稱欽承祖業不可言開國也

又臣贈爵

贈公者江西行省參政姑熟郡公陶安係國初未定太子少師榮國公姚廣孝

贈侯者知處州府太原郡侯王道同知南昌府南陽郡侯葉琛左司郎中高陽郡侯許瑗係國初未定尚書靖

遠侯王驥興濟侯楊善新建侯王守仁俱見前

贈伯者吳王府參軍左司郎中縉雲伯胡深中書參

議西河伯毛麟臨江同知天水伯趙天麒太子太師

湯陰伯郭資少師荏平伯吳中太子太保沐陽伯金

濂深麟麒皆國初未定之制

贈男者中書都事丹陽縣男孫炎中書郎中當塗縣

男王愷時男係國初未定爵後罷不置

公世子

令典親王子曰世子禮服視郡王郡王子曰長子禮

服視鎮國將軍公侯子應襲者授勳衛及帶刀舍人

不當言世子也惟湯信公和子輓已為前軍都督僉

事二品矣率而贈世子又

高帝御撰中山王神道碑曰世子輝祖襲想 國初之制如此但不知品秩何如

上柱國

會典稱正一品階勲云加授贈特進光祿大夫上柱國疑止爲贈設耳李韓公徐魏公常鄂公初俱帶上柱國然階不過銀青榮祿大夫蓋因元之舊官未定也後常公物故二公俱改左柱國近夏少師言獨得上柱爲一時曠典然在隋初爲從一品勲而唐則四實不爲異也乙丑年加嚴嵩辭以人臣無上則夏公此官固驗乘之禍耳乙丑少師徐階以十五年滿加

固辭辛巳少師張居正亦以十五年滿加亦辭後卒以爲贈今按上柱國一人夏言贈上柱國一人張居

正

張後追奪而言官誤以爲生前所加

左柱國

左右柱國不見會典洪武三年始封李徐二公加左柱國自李曹公而下俱右柱國文臣則絕無及者正德初劉文靖健以 顧命大臣得左柱國繼之者李文正東陽楊文忠廷和梁文康儲楊文襄一清大槩皆異典也萬曆時大學士張居申時俱以九年滿加左柱共八人正德末年梁文康以次輔與楊文忠同

得左柱尤奇今少師時行以六年滿得之俱奇
洪武三年大封唯太師李韓公太傅徐魏公稱特進
光祿大夫左柱國而已常鄭公茂馮宋公勝李曹公
文忠鄧衛公愈皆以榮祿右柱國封見左之不易得
也湯信公和由中山侯進封得光祿左柱而胡梁公
顯以王親亦濫竽焉若傅頴公藍涼公之大勲亦仍
榮祿右柱而已永樂初李曹公景隆以降附加祿千
石爲光祿左柱而元勲如丘淇公福朱成公能下安
南如張英公輔沐黔公晟皆榮祿右柱至洪宣中英
公以國史完始進光祿左柱成化末太師張英公懋
進光祿左柱而朱保公永封國時亦止以光祿兼右
柱耳以後如朱太師希忠之崇貴亦止特進柱國然
則左柱國亦非人臣所易當也

左柱國不兼特進

階以特進爲重而勲尤以左柱國爲崇特進而止柱
國者有之未有左柱國而不帶特進者也嘉靖十五
年加武定侯太師左柱國而不帶特進似不可曉萬
曆初吏部擬加少師江陵公亦如之尋辭

文臣特進

文臣非伯爵而階特進光祿大夫者亦不易得今按

無左柱國者劉文穆吉嚴分宜嵩徐文貞階帶左柱
者劉文靖李文正楊文忠楊文襄梁文康張江陵及
申少師帶上柱者夏文愍前後十一人而已

弇山堂別集卷七

吳郡王世貞元美著

皇明異典述二

文臣加三公

太師太傅太保曰三公

高帝時李韓公善長爲太師而徐魏公達爲太傅常
開平遇春贈太保已後絕不輕授其重惜之意可知
仁宗始加張英公爲太師嗣後武臣得之不以爲異
嘉靖初楊少師廷和一品十二年又以辭伯爵有進
階二級 詔旨特拜太傅四辭而止萬曆初張文忠

居正一加太傅三辭而止辛巳始拜命壬午張進太師十日卒今按太師二人李善長張居正太傅一人即張公二公後皆削

勲臣太師

三公雖並經邦而太師尤重非人臣所敢當以徐中山之勲德而加止太傅去韓公幾五十年而有英國公張輔嗣公張懋保國公朱永昌國公張鶴齡定國公徐光祚翊國公郭勛成國公朱希忠并韓公凡八人郭加太師時尚侯爵尤爲異也

公孤真任

洪武十三年廢中書省後有上疏請設三公府俾之坐論燮理上欲從之而未定也考宣德三年勅太師英國公張輔少師吏部尚書蹇義少傅兵部尚書華蓋殿大學士楊士奇少保太子少傅戶部尚書夏原吉太子少傅工部尚書謹身殿大學士楊榮按義等勅云卿等祇事祖宗多歷年所嘉謨謹議積勛勤誠朕嗣統以來尤深贊輔夙夜在念圖善始終蓋以卿春秋高尚典繁劇優老待賢禮非攸當况師保之重寅亮爲職不煩庶政乃副倚毗可輟所務朝夕在朕左右相與討論至理共寧邦家職名俸祿悉如

舊卿其專精神審思慮益致嘉猷用稱朕眷注老成
至意欽哉其輔勅云卿以親以賢祗事 祖宗多歷
年所忠存社稷功著國家逮朕纘承大統勤誠輔弼
元勲厚德巋然於今方當注倚之時矧居燮理之任
不煩以政乃理攸宜可輟中軍都督府事職名俸祿
悉如舊朝夕在朕左右相與究論軍國重務共安家
邦卿其專精神明道德益弘啟沃之功用臻治平之
効蓋真領公孤之職也十年 上崩蹇夏後先卒而
二楊還領閣務尋復爲虛銜蓋迄今云又未幾
廣孝以立東宮自僧錄左善世進太子少師而

兼職又有勅云卿資性篤實學行老成事朕藩邸積
有年歲朕靖難之初卿侍左右謨謀弼贊裨益良多
今建儲嗣簡求良輔以卿舊人特授太子少師夫太
子天下之本也必賴啟迪良正輔成德器仰尚勉盡
厥職副朕眷倚之重欽哉以此考之不兼它官不領
他職亦真任也

四夷三公

永樂中也先土干來歸賜名金忠洪熙元年加太子
太保宣德六年加太保俱二棒兼受又永樂賜阿魯
台太師中書右丞相和寧王誥命然亦因故號而稱

之耳

三孤兼東宮卑秩

按師保兼東宮官或帶本秩如少師兼太子太師之類或以小兼大如少保兼太子太傅之類無大兼小者唯宣德初夏忠靖原吉以少保仍兼太子少傅欲優以二俸故也嘉靖初楊文襄一清以少師兼太子太傅亦官制一變也席文襄公書嘗言宜釐正不報

公孤自相兼

嘉靖中京山侯崔元已加太傅左都督陸炳已加太保二公俱兼太子太傅太保正一品階矣後以聖旨前後元加少師炳加少傅元後同大學士嵩辭得免炳至終身稱太保兼少傅上時亦不安于心有御札云以公兼孤亦可

公兼三孤及侯兼東宮三少

國公自加三公外有東宮三太而無三孤萬曆英國公張溶加少保再加少傅侯伯兼公孤外其於東宮有三太而無三少天順中廣寧侯劉安加兼太子少傅隆慶中恭順侯吳繼爵加兼太子少保若洪武初李韓公兼太子少師徐信公兼太子少傅常鄂公太子少保其時官制亦未定也

三少相兼

嘉靖中真人禮部尚書陶仲文兼少師少傅少保古
今所未有

三品兼三少

東宮三少以上舊制惟尚書左右都御史得兼之洪
熙初推恩大學士楊士奇以禮部左侍郎加少保楊
榮以太常卿加太子少傅金幼孜以戶部右侍郎加
太子少保無何俱進尚書景泰間備署宮官且以易
儲故推恩吏部左侍郎兼翰林院學士江淵禮部左
侍郎兼學士王一寧戶部左侍郎兼學士蕭鎡

子少師吏部左侍郎俞山太子少傅兵部右侍郎俞
綱都察院左副都御史羅通大理卿蕭維禎通政使
李錫俱太子少保前後所無

孤卿兼宮官

洪熙中少師蹇義少傅楊士奇少保黃淮例不兼宮
臣其自東宮三太三少而進三孤者則削其舊銜如
太子少傅楊榮太子太傅胡濙太子太保王直進少
傅是也故景泰以前當以孤卿兼宮秩爲異少保兼
太子少傅戶部尚書夏原吉僅一人

孤卿不兼宮官

自景泰備東宮三太而三孤俱有兩職然成化初猶有不兼者曰少保李賢彭時彭公沒絕響矣故成化而後當以不兼宮秩爲異曰少保禮部尚書文淵閣大學士張璁亦僅一人

南部三孤

南京大臣以三孤兼者獨少保參贊機務南京戶部尚書黃福一人而已若太子太保則有四人兵部喬字秦金吏部用賓戶部周經

節鎮三孤

弘治王襄敏越總制陝西三邊以少保兼太子太

嘉靖楊文襄一清總制陝西三邊以少傅兼太子太傅正德陳金總督兩廣胡宗憲總督浙直江西福建俱以少保兼太子太保凡四人若太子太保則景泰兩廣王翱成化宣大王越俞子俊正德四川洪鍾彭澤嘉靖三邊王憲王瓊王以旂劉天和征倭趙文華隆慶宣大王崇古萬曆宣大方逢時張佳胤鄭洛

尚書一品

建文初特崇加六部尚書皆正一品於是吏部尚書張統戶部尚書王純禮部尚書陳迪鄭賜兵部尚書齊泰茹瑄鐵鉉刑部尚書侯泰暴昭工部尚書嚴震

直皆階特進榮祿大夫每部增設侍中正二品

四輔官分四時

高皇帝設四輔官均職四季以上中下三旬人各司之驗兩暘春三月李佑司皆中旬十日龔敷司皆下旬十日夏三月杜敷司皆上旬十日吳源司皆中旬十日趙民望司皆下旬十日秋冬亦如之各兼太子賓客班列公侯都督之次尚書之上又有四輔游東苑倡和詩不載

一佩九印

太宗初幸北京官不必備或以事譴有一官署二三

印者惟夏忠靖原吉兼掌九卿印各曹俱於朝房取裁爲一時盛事云

六卿兩銜

洪武二十四年太子少保詹徽以吏部尚書正兼都察院左都御史嘉靖十四年太子太保汪鋹以吏部尚書正兼兵部尚書二公俱縮二綬更日治事詹公同在洪武初以吏部尚書兼翰林院學士承旨亦兩綬二職以其俱三品也故附記之

吏部尚書掌別部

正德初起太子太傅吏部尚書屠公濬以舊銜兼都

察院左都御史掌院事隆慶末起少傅兼太子太傅
吏部尚書楊公博以舊銜掌兵部事然不預本部職
任十五年起吏部尚書嚴清掌兵部未上

別部尚書署吏兵部

永樂以前無論已宣德間戶部尚書師逵署吏部終
身輟本部事工部尚書吳中署吏部不輟本部事嘉
靖間刑部尚書鄭曉署兵部輟本萬曆間兵部尚書
方逢時署吏部不輟本俱以候尚書未至也又刑部

尚書嚴清署吏部

三日推吏部尚書

六鄉外署

建文中兵部尚書茹瑄署河南布政司刑部尚書暴
昭署平燕布政司在真永樂中戶部尚書郭資署比
平布政司工部尚書黃福兵部尚書陳洽總署交趾
布按二司刑部尚書維僉掌真定府刑部左侍郎楊
勉署山東布政司

吏部尚書外遷

洪武十三年以前吏部尚書遷行省參政者皆為遷
也蓋尚書三品而參政從二品耳又有吏部尚書王
興福為西安知府周時中為鎮江知府陳修為濟南
知府李仁為青州知府陳敬為禮部員外郎崔善為

宣化典史

吏部尚書改別部

吏部自建文而後益重矣其改兵部者茹忠誠瑞南
本部者崔莊敏恭以丁憂服除南禮部者耿文恪裕南兵
部者劉機以丁憂服除改兵部總督者王恭襄瓊起以戊戌改
刑書者李康惠承勛未上

尚書兼九列

王驥程信以兵部尚書兼大理寺卿石璞趙榮以工
部王來以南京工部兼亦如之蓋皆用軍功也按理
官非若宮秩可兼又於品為三無足榮者蓋二

支優以歲祿耳自程後絕不復有此加又洪熙初禮
部尚書呂震為太常寺卿則兼事與祿也

南兼北衙

正德初王公軾以南大司徒兼北院副都總師征焉
嘉靖中王公守仁以南大司馬兼北院左都討岑猛
張公經以南大司馬兼北院右都平倭至王公用賓
以南太宰仍兼翰院學士蓋優禮儒臣之典也

北衙理南務

嘉靖中李默王材萬曆中屠羲英俱以太常寺卿掌
南京國子監祭酒事萬曆初萬士和以禮左侍管南

禮右侍事尋以左侍掌國子監翁大立以兵左侍前
後管南吏刑二部右侍事此皆以北銜理南務也

戶部事祿之異

宣德中夏忠靖原吉爲少保太子少傅戶部尚書然
不治部事而兼支尚書俸郭忠襄資以太子太師起
掌部事然不帶尚書銜一時事也

五一部二尚書

洪武初制每一部二尚書如吏部詹同李守道戶部
李泰周肅同日命下後雖革亦往七有之吏部宣德
遷義郭進景泰王直何文淵又王直王翱戶部

郁新夏原吉宣德夏原吉郭資禮部永樂呂震趙犴
景泰胡濙楊寧兵部建文茹瑞齊泰永樂金忠方賓
正統王驥徐晞又徐晞鄺埜景泰于謙儀銘又于謙
石璞嘉靖張瓚樊繼祖工部永樂趙犴宋禮又吳中
趙犴宣德吳中李友直嘉靖林廷楫甘爲霖又溫仁
和甘爲霖歐陽必進又雷禮萬曆楊兆何起鳴石星
曾同亨兩左都景泰陳鎰王文正德陳金王璟三左
都景泰陳鎰王文王翱

叅贊團營非兵部

叅贊守備機務非南京兵部者戶部尚書黃福張鳳

吏部尚書崔恭者察院右都御史張純王恕南兵部而非尚書者右侍郎徐琦

團營非兵部者都察院左都御史王越馬文升右都御史鄭曉右僉都御史李燧若王廷相汪鋹雖以掌院兼之然帶兵部尚書銜

蘇松江浙人戶部帶銜

高皇帝制直隸蘇松二郡人不得官戶部永樂中

皇太子監國請以江西人給事中王高爲戶部侍郎不許正統末吉水周忱拜戶部尚書僅數日而改工部以後雖巡撫銜亦避之惟內閣學士不論加不

黃公淮廬陵陳公循淳安商公輅長洲王公鏊餘姚謝公遷慈谿袁公熯吾郡申公時行鄞縣余公有丁是也又吾郡滕思勉顧禮衢州徐恢皆實拜戶部蓋洪武中未定之制也

尊官掌九列

成化末三品以下九卿多以尊官掌之通政司張文質太常寺劉崧鴻臚寺施純俱太子少保禮部尚書大理寺杜銘工部尚書光祿寺艾福國子監丘濬欽天監康永韶皆禮部侍郎太醫院蔣宗武通政使上林苑監李孜省左通政蓋多以傳奉得之故也然未

有如景泰時楊善之異善以左右都御史加太子太保俱仍掌鴻臚寺

內閣次序互異

內閣五品時不過文淵翰林諸學士庶子諭德中允爲序耳其諸殿次第自正統時定兼部銜次第自天順始定如楊榮以太子少傅謹身位少保黃淮武英下陳山無兼官以謹身位少保黃淮太子少保金幼孜武英下少保黃淮太子少保金幼孜以戶部尚書位少傅兵部楊士奇下金幼孜又以戶部楊溥無兼官以禮部位工部楊榮下王文以少保吏部位戶部

陳循工部高穀少保太子太傅下皆取所兼保傅爲次序也張瑛以禮部華蓋殿位戶部謹身陳山下此則以部分爲次序也

掌文淵閣

閣臣入閣止云直文淵及辦事而已惟徐有貞以武功伯兼華蓋殿學勅掌文淵閣事遂以掌文淵閣入銜武功敗李賢以右侍郎復拜吏書兼學士奉旨亦掌文淵閣然不入銜

閣臣不預事

宣德初謹身殿大學士陳山改專教內璫華蓋殿大

學士張瑛出理南部俱不得預閣事而吏部蹇義戶部夏原吉俱輟部務以師保入備 顧問計議 朝政即家條 旨草制勅然不入內閣亦一時異事也
大學士非內閣
洪武中華蓋等殿大學士劉仲質邵質余思誠鮑恂余銓張長年吳伯宗朱善宋訥吳沈其時原無內閣也若洪熙時文華殿大學士權謹及陳山教內豎後皆非內閣臣矣

內閣兼掌部院

正德初大學士焦芳入閣後又專銓柄乞

兼掌吏部

數日

嘉靖中大學士張璁兼掌都察院方

獻夫兼長吏部

不久

嚴嵩以

上眷注及徐公階以

候尚書德俱兼掌禮部

俱半歲罷

李公本出掌吏部

旬日罷

乙丑大學士嚴公訥由吏部入以候尚書朴仍暫掌

部事隆慶庚午大學士高公拱起掌吏部趙公貞吉

出兼掌都察院俱免奏事承旨內總奉勅肅清百僚

本事畢恩獎加少保武英殿學拱綰綬歷年兩司內

外考察至屈首揆尚握銓柄出而啟事入而條 旨

尤為異聞

內閣司考察

嘉靖三十五年吏部尚書李默得罪內閣大學士李公本掌部事分別尚書以下九卿大小巡撫都御史作三等其上中等擬留下等取上裁復考察科道官應晉應去者以聞天順元年特命大學士徐有貞攷布政黃輿高寅王亮等知府白仲賢萬安等俱冠帶閒住

南部入閣

內閣由南部入者凡三人楊文忠迂和以南京戶部梁文康儲張文隱治以南京吏部俱尚書入內閣出爲六卿

景泰六年太子少師吏部左侍郎兼學士江淵爲工部尚書掌部事嘉靖四年少傅大學士楊一清起攷兵部尚書左都御史總督三邊十八年禮部尚書大學士翟鑾起攷兵部尚書右都御史閱九邊充行邊使

內閣出理南部

宣德四年華蓋殿大學士張瑛以原官掌南京禮部其官稱禮部尚書蓋是時北爲行在故也

致仕丁憂部臣入內閣

萬曆十年致仕太子太保禮部尚書潘晟起家武英

殿大學士十二年給假丁憂禮部右侍郎兼翰林院
侍讀學士王錫爵起家禮部尚書文淵閣大學士
祖宗朝所未有也

閣臣外任

永樂中解學士縉爲交趾叅議胡侍讀儼爲國子祭
酒天順中岳修撰正爲欽州同知後復官止於翰林
供事再出知興化府徐武功有貞爲廣東李尚書賢
爲福建許禮侍彬爲陝西俱叅政賢尋復入爲吏部
右侍郎又宣德中太常卿兼學士楊溥景泰中翰林
院侍讀彭時俱以內閣丁憂服除守本官後二公俱

再入內閣

輔宰臣督工

閣臣於興造工役規畫則有之未有躬履其事者若
吏禮二部臣則絕不之及矣惟嘉靖九年建南北郊
大工少傅大學士張孚敬知建造少保大學士桂萼
大學士翟鑾同知建造十四年少師大學士孚敬少
保大學士李時知建造太子太保吏部尚書汪鋌少
保禮部尚書夏言同知建造於工部爲侵官於閣臣
爲失職

內閣公侯審錄

今三法司囚犯每五年執審奏請矜疑辨問及減等發落自正統初遣司禮監太監金英始遂爲定制必以巨璫之首爲之張傘蓋列騶騎既至大理寺則據高坐南向尚書都御史皆傍坐而御史郎中以下官引囚廷審殊不爲雅惟嘉靖十六年三月不用中官特以勲臣勛及二輔理之第勛倚貴自用所釋減幾大半囹圄爲空 皇帝勅諭太師兼太子太師武定侯郭勛少傅兼太子太師吏部尚書華蓋殿大學士李時少傅兼太子太師禮部尚書武英殿大學士言朕惟刑獄重事民命所關近來法官多不習律比

任情出入以致冤濫滋甚及今會審應辨開者又拘執成案不與開釋朕每念及此惻然軫懷茲特命卿等會同三法司官將見監死罪重囚逐一面加勘鞫務得真情中間事有虧枉情可矜疑者奏來定奪朕以卿等勲輔重臣故茲簡托卿等宜仰體朕心殫誠竭慮徃恭厥事卿等其欽哉欽哉

內閣不由翰林

內閣不由翰林凡八人王毅愍文以左都御史楊文襄一清劉鈞州宇許文簡讚以吏部尚書薛文清瑄以大理寺卿俞綱以兵部右侍郎李文達賢以吏部

侍郎曹元以兵部尚書內許公曾為編修然以御史改

其初不由翰林而後改翰林入閣者解縉初為御史

黃淮初為中書舍人楊士奇初為吳府審理副胡儼

初為桐城知縣金幼孜初為給事中陳山張瑛初為

教官給事中袁宗臯初為長史桂萼初為刑部主事

張孚敬初為南刑部主事方獻夫初為吏部員外郎

夏言初為行人給事中

王毅愍薛文清外亦有異者如江淵以刑部右侍郎

尹直以兵部左侍郎徐有貞以都察院左副都御史

許彬以太常卿雖常為翰林而所進階序亦未相應

殿閣二街

景泰中修寰宇通志陳少保循以華蓋殿大學士兼

文淵閣大學士高少保穀王少保文俱以謹身殿大

學士兼東閣大學士亦一時異制也

學士二街

弘文館學士兼翰林院侍讀學士危素文淵閣大學

士兼翰林院學士胡廣楊榮金幼孜左春坊大學士

兼翰林院學士解縉胡廣商輅左春坊大學士兼侍

讀學士曾棨楊廷和彭時右春坊大學士兼侍讀學

士王英劉儼呂原楊公以弘治末年加坊學不設五

十年矣自揚公後八十餘年絕不復設

內閣首臣復居次

永樂四年解縉罷黃文簡准以右坊學居首二歲而
度子胡文穆以學士兼左坊准遂居次楊文敏榮永
樂十六年以文淵閣學居首二十二年楊文貞爲華
蓋榮遂以謹身居次梁敷儲正德九年居首累遷至
華蓋十三年故相楊文忠復入銜位同而入閣在前
儲遂居次嘉靖二十三年嚴分宜居首累遷至謹身
二十五年夏文愍以華蓋復入嵩遂居次

內閣兼官之異

大學士五品也然多以尚書兼之洪熙元年楊文貞
以禮左侍兼華蓋金文靖以戶右侍兼武英宣德元
年陳山以戶左侍兼謹身張瑛以禮左侍兼華蓋後
絕無之至嘉靖中李公本以吏右侍兼東閣隆慶初
江陵張公居正以吏左侍兼文淵閣萬曆中吾吳申
公時行大同王公家屏以吏左侍兼東閣俱大學士
謹身殿大學士以太常卿兼者楊榮武英殿大學士
以通政使兼者黃淮蓋加官也學士以刑部右侍郎
兼者江淵以國子祭酒兼者蕭鎡以都察院左副都
御史兼者徐有貞由兼官進故也江蕭徐俱不數日

而改

學士兼官之異

正德中學士靳貴左兼光祿寺卿天順復辟凡景泰中東宮官左右春坊大學士呂原倪謙左庶子劉定之改道政司左右叅議左右庶子林文李紹俱改尚寶司卿仍兼講讀諭德錢溥洗馬柯潛俱改尚寶司少卿左右中允黃諫萬安李泰改尚寶司丞仍兼史官亦時制之一變也

洪武孔克表王傑以翰林修撰兼編修天順孔公恂以詹事府少詹事兼諭德近乎疊牀架屋矣

閣臣出使

內閣若楊文襄之督三邊翟文懿之巡九鎮皆起自家俱改兼部職楊文敏三使寧夏甘肅與寧遠西寧謀軍務其時閣體未重至景泰中王毅愍文勘南直隸事情高文義穀以祭告江海二公皆兼賑濟江少師淵督察四川軍情理糧餉則事體異矣弘治末闕里告完李文正東陽以次輔致祭兼撰碑蓋重其事也

閣臣扈從

永樂北征凡四其前二則胡文穆廣以文淵閣學與

楊文敏榮金文靖幼孜扈從其後二則楊金二公俱以文淵閣學扈從宣德征漢庶人一楊少傅士奇楊宮傳榮金宮保幼孜楊學士溥從巡邊二其一則三揚與金其一獨三揚從正統北征曹學士鶴張學士益從正德征寧庶人梁文康儲蔣文定冕從嘉靖南幸承天夏文愍言從唯征漢庶人有勅與蹇少師夏少保同叅預機務

贈官內閣吏部銜

大臣歿有贈官獨內閣大學士及吏部尚書不以加贈如梁武之於朱异宋神宗之於韓琦非破例不可

惟景泰中贈侍郎曹鶴嘉靖初贈左長史張景明俱文淵閣大學士贈左都御史宋景為太子少保吏部

尚書

賜贈三官景贈二官
本朝所無之典

各部尚書兼學士

六部尚書非內閣而帶學士者惟禮部有之然亦自桂方二文襄起蓋上以議禮褒寵之且示為入相之地耳後遂為定制今按以吏部尚書帶者桂公鼐方公獻夫李公默郭公朴嚴公訥以戶部尚書帶者李公廷相以工部尚書帶者溫公仁和董公份自嘉靖丙戌後禮部尚書不兼學士銜者惟萬公士和及

今徐公學謨而已

二尚書任國子

洪武中起致仕刑部尚書李敬為國子祭酒致仕試吏部尚書劉崧為司業今人但知劉而不知李也劉居官月餘卒李後坐事抵罪成化初亦以此例起禮部左侍郎李紹少詹事兼學士柯潛潛以喪服辭與李俱不及任而卒

弇山堂別集卷七

弇山堂別集卷八

吳郡王世貞元美著

皇明異典述三

文臣監修 國史

國朝修實錄例以內閣大臣總裁而元勛上公一人監修獨

高廟實錄初以曹國公李景隆監修戶部尚書夏原吉副之中用太子少師姚廣孝及夏公至嘉靖中修睿宗實錄復用禮部尚書席公書吏部尚書廖公紀蓋特典也

文臣知經筵

故事勳臣一人知經筵內閣臣俱同知經筵後至李文達賢始以內閣首臣與勳臣俱知經筵而劉文穆劉文靖楊文忠徐文貞張江陵及今申少師俱因之矣夏貴溪嚴分宜雖極貴寵而上不御經筵遂成闕事

勳臣從祀孔廟

萬曆中詔以新建伯王守仁從祀孔廟時布衣胡居仁亦與焉真非常之遇也

文臣配享

高廟配享不及文臣洪熙中以太子少師贈少師姚恭靖公廣孝配 文皇帝嘉靖中以御史中丞贈太師劉文成公基配 高皇帝姚至嘉靖中革賜祀於大興隆寺

藉田孤鄉五推

天子耕藉田三公五推九鄉九推今例以公侯兼三太者充之張江陵以少師與五推盖特恩以爲加太傅張本也

文職世文蔭

嘉靖元年楊太師廷和蔣少傅冕毛少保紀以辭伯

爵費少保宏以辭蔭錦衣指揮使改蔭錦衣指揮千戶等官復固辭以兵部尚書彭澤言蔭楊公四品在京文職蔣毛五品費七品皆世襲固辭復不許然四公迄無拜

侍郎非本曹

嘉靖中董吳興份以工部尚書管吏部左侍郎事正德中儲文懿璫以戶部左侍郎起管右侍郎事文嘉靖初兵部左侍郎陶諧黎爽俱管右侍郎事萬曆中右都御史吳允張佳胤管兵部左侍郎事又兵部左侍郎王遴起管右侍郎事則以左侍無見缺故也

曆中萬宜興士和以禮部左侍郎管南京禮部右侍郎事翁餘姚大立以兵部左侍郎管南京刑部右侍郎事尋以原官管南吏部右侍郎事胡永昌執禮以兵部左侍郎管南京兵部右侍郎事則以南部無左侍故也按儲文懿璫後復以戶部左侍郎起南京左嘉靖初胡端敏世寧以兵左侍告南改吏左非謂南必無左有左不設右有右不設左乃故事也吳興一轉尤爲異典

巡撫非部院

永樂間大理寺卿胡璩叅政葉春同撫南直隸太常

寺少卿周訥撫湖廣大理寺丞郭璉撫廣東大理寺丞孫時撫山西通政司叅議朱航撫廣西正統間大理寺卿蔡錫撫湖廣大理少卿張驥撫浙江大理寺丞孔公恂撫直隸景泰初大理寺丞王振撫貴州大理寺卿孔文英鎮紫荆通政司叅議鄒文學鎮保定大理寺丞羅綺贊理甘肅軍務李奎撫保定成化間大理少卿吳道宏撫鄖陽又正統巡撫山西河南侍郎于謙降大理寺少卿嘉靖巡撫順天僉都御史張陟降寺丞俱仍巡撫

大將軍

國朝將軍掛印者事權甚重可以生殺人而大將軍爲尤重洪武元年以徐中山達爲征虜大將軍至十七年卒雖以常開平李岐陽之才且貴重然不過副將軍而其他有征南征北征西征戎之專寄亦不過將軍而已傅穎公之平雲南鎮北邊張英公之三下交陟統衆多者至八十萬少亦三十萬然皆不得掛大將軍印也余所知者十六人

征虜大將軍徐達馮勝藍玉洪武兀福永樂平虜大將軍

李景隆建文柳溥景泰朱永成化朱暉正德杭雄仇鸞嘉靖

俱禦虜

鎮朔大將軍薛祿譚廣宣德楊洪石亨景泰俱

按譚杭以都督得之尤為異典余嘗見仇鸞銜位云

平虜大將軍總督京營戎政統領各路人馬太傅太

子太師咸寧侯可為寒心然未幾死事敗僂及妻子

正德中有稱威武大將軍朱壽者上也而許泰則

為副將軍迨南狩上自稱總督軍務而太監張永

與彬曰提督替畫機密軍務張忠及泰曰提督軍務

一時各邊稱總督者俱改總制及提督

世廟幸承天以太師翊國公郭勛為都護大將軍太

子太傅成國公朱希忠為副將軍

掛兩將軍印

永樂中征南將軍沐晟征蠻將軍韓觀先後掛征夷

副將軍印嘉靖中征蠻將軍柳珣亦掛征夷副將軍

印俱有安南之師故也

副七將軍

洪武四年徐魏公達北討李曹公文忠馮宋公勝為

左右副將軍鄧衛公愈湯中山和為左右副七將軍

按唐諸鎮征黃巢四面行營各設都統而王晉公鐸

以上相臨之為都七統事相反而相類

外任下遷翰林

外任左遷而得翰林者洪武中時有之若永樂庚寅許州知州潘文奎以事當降爲有文學改左春坊司直郎乙未湖廣按察僉事言蘄州同知桂宗儒柔懦當黜以任淺送都察院問刑三載改翰林院修撰宣德丙午吏部言四川按察使陳璉不諳憲法改通政使掌國子監祭酒因謫而遷清近誠爲異事壬子大學士楊士奇等言交趾南靈州革任知州黎恬有文學改右春坊右諭德又山東左叅政俞士吉考滿升詹事府詹事亦可謂非望之典最後如雲南布政使陳文之入爲詹事浙江布政使李默之入爲太常寺

卿掌南京國子監祭酒事皆視若登仙矣

翰林兼諫官

洪武中夏公原吉范公顯祖以太子賓客兼治書侍御史永樂丁未李公準以太子賓客兼吏科都給事中嘉靖庚戌趙公貞吉以左春坊左諭德兼河南道御史宣諭行營己丑夏公言以翰林院侍講學士兼吏科都給事中李以三品兼七品尤異 國初治書侍御史階正四品蓋今僉都御史官也

翰林改給事中

正統中大學士金幼孜翰林檢討達改給事中成

化中翰林檢討李昊改南京禮科給事中昊忻王教授王薨故也

翰林改御史

洪武中翰林院編修馬亮任敬王璉王輝陳敏張惟洪熙元年翰林院侍講李時勉羅汝敬俱改監察御史仍限李羅一日言一事凡三日而下獄正統己巳徐公理以翰林院侍讀改浙江道御史募兵彰德楊公鼎以右春坊右中允改河南道御史募兵兗州檢討王玉改江西道御史募兵濟南俱事完復故官

翰林改教授

永樂乙未進士第二人李貞第三人陳景著俱以翰林院編修九年滿當遷改鄉官便養貞得高州府景著得福州府俱教授遂以此官終其身景著及第時僅十八尤可惜也又有錢唐王羽者繇太常少卿請便養亦得杭州教授正德中援此例以授興化養親御史陳茂烈固辭

狀元謫任

狀元授官以後謫爲他官者羅倫舒芬俱自修撰謫市舶司副提舉呂柟自修撰謫解州判官張昇自左庶子謫工部員外郎俱以言事陳謹自修撰謫廣州

府推官以公誤范應期以修撰謫南京大理寺評事
以被論

進士徑授編檢

洪武十八年乙丑授進士馬京等爲編修吳文爲檢
討建文庚辰進士吳溥楊榮楊溥俱爲編修蓋官制
未定也若正統己未進士錢溥教內使徑授檢討正
德三年徑授二甲第一人焦黃中三甲第一人胡纘
宗爲檢討蓋中人瑾變亂成法且欲私其門客及鄉
人故也

三甲不授翰林

洪武四年初開科狀元吳伯宗授禮部員外郎

時正六品

第二第三人郭翀吳公達俱吏部主事

從六品

而會元

俞友仁中三甲爲縣丞蓋官制未定也丁丑狀元陳
郊第三人劉鏐成謫補鴻臚寺司賓署丞尹昌隆授
禮部主事以人言考官私南人故也嘉靖壬辰第二
人孔天胤授陝西按察僉事以王親故也

給事御史互改

洪武中給事中宋善萬徵彭通王惟言王暉改監察
御史李爌以御史改工科給事中兼齊王府錄事若
永樂江西道御史汪俊民改刑科給事中山東道御

史文郁改工科給事中吏科右給事中羅亨信工科
給事中周岐正統給事中朱良暹李運俱改監察御
史又給事中金達王庾暫改御史募兵正德兵科都
給事中王翊刑科給事中張禴工科都給事中段彖
俱改御史查盤凡五六見若王肅敏廷相以庶吉士
授兵科給事中降亳州判官陞高淳知縣入爲監察
御史邇來徐貞明以給事中謫按察照磨陞推官兵
部主事尚寶司丞再以尚寶卿兼御史治水利尤異

布衣總裁 國史

永樂 詔重修

高廟實錄布衣陳濟與學士解縉等爲總裁而禮部
尚書李至剛及講讀以下僅爲纂修官

布衣考試

洪武四年京畿試前元貢士鮑恂與學士宋濂等同
爲考試官

三布衣優禮

國朝優禮處士與處士所以自處者毋過於陳靜誠
遇吳康齋與弼武學士周文而已陳在

高帝初應聘與叅帷幄大計再授翰林院學士辭授
禮部侍郎尚書以至尚書左丞又辭竟以處士卒遣

中官諭祭官爲賻葬有子枋以遇故特擢累官至尚書武在 文廟初以藩邸講讀之舊驛召至京賜襲衣銀帶鞍馬以爲翰林院侍講學士固辭聽以學士致仕賜勅及白金文幣酒餼馳驛歸吳在 英廟時遣行人齎勅及金幣驛召引見授左春坊左諭德賜宴文華殿內閣學士李賢待再賜金幣羊酒三辭俱溫音慰畱最後賜勅及銀幣給月米遣行人護歸其初聘勅曰朕承 祖宗求賢圖治亦有年矣求惟勞於求賢然後成無爲之治樂於忘勢乃能致難進之賢聞爾與弼潛心經史博洽古今蘊經國之遠猷抱

致君之宏畧爾乃嘉遯丘園不求聞達朕眷懷高誼思訪高賢渴望來儀以資啟沃今特遣行人曹隆往詣所居徵爾赴闕仍賜禮幣以表至懷爾其惠然就道以副朕翹待之意 賜歸勅曰朕惟自古英君誼辟莫不好求賢士以臻治理故服位以來深思先務莫急於此聞爾與弼懷材抱道嘉遯林泉特遣行人齎捧書幣造廬徵聘爾乃惠然肯來深慰朕懷欲煩輔導東宮特授春坊諭德爾以衰老固辭朕堅意不允畱之數月病勢不已乃知本心非不欲仕第以不能供職故耳於是特允所辭且以嘉猷勗朕足見忠

愛之誠仍遣行人送還故里賜以銀幣用表至懷復
命有司月給米二石以資供膳爾其優游桑梓安身
樂道以度遐齡倘精力未衰尚其無忘纂述以繼前
賢輔教垂世之意其初授官賜銀幣辭疏 旨曰朝
廷久聞高義特用徵聘今惠然遠來朕深嘉悅然幣
以將誠官以命德禮非過也不允所辭面見諭曰重
卿學行特授官僚煩輔太子再辭疏 旨曰朕知乃
心不干仕進故不煩以冗務特處以官僚之職不必
再辭三疏辭 旨曰固辭雖得難進之義揆之中道
無乃過乎欲觀秘書可勉就職觀此二勅三旨一諭

雖內閣輔臣其優禮遠不能過也

編修主會試

洪武戊辰國史編修蘇伯衡李叔荆主會試

編修主鄉試

永樂癸未編修王達成子檢討王洪甲午編修周述
正統丁卯檢討錢溥成化乙酉編修彭華俱主應天
試

司直修撰主會試

永樂己丑左司直郎徐善述乙未翰林院修撰梁潛
王洪景泰辛未修撰林文主會試

待詔典籍紀善主會試

洪武乙丑翰林院待詔朱善前翰林院典籍聶鉉丁丑吉府紀善白信蹈主會試

致仕官主試

洪武乙丑命前翰林院典籍聶鉉主考會試宣德癸丑前少保戶部尚書武英殿大學士黃淮主考會試聶待選吏部黃以謝恩適至京故也然聶以卑官得之其同試乃有講讀以上者尤爲奇矣

非翰林官主試

洪武三年主鄉試者御史中丞劉基治書侍御史秦

裕伯丁丑主會試者吉府紀善白信蹈革除中太常寺少卿高巽志主己卯庚辰鄉會試

同考官尊於主考

洪武丁丑紀善白信蹈主會試而同考則侍讀張信侍講戴彛正德丙辰侍講學士陳循主會試而同考則太常少卿魏驥景泰辛未修撰林文主會試而同考則侍講劉儼廣東叅政羅宗本

三伯讀卷

廷試讀卷官當以內閣及九卿詹事翰林學士爲之惟天順丁丑徐有貞以武功伯掌內閣王驥以靖遠

伯掌兵部楊善以興濟伯掌鴻臚寺讀卷居諸公首
亦時制之變也成化中王越以威寧伯兼宮保掌都
察院亦預讀

異途官讀卷

又正統中左都御史楊善以城生員戶部左侍郎掌
光祿寺事柰亨以吏員太常少卿程南雲以習字生
讀卷尤為奇事亨序列內閣戶部右侍郎兼學士陳
循上

特賜出身

宋制大臣或有不由科第者特賜於某人榜出身或

用累舉恩賜第 國朝無之唯永樂間曲阜孔諤以
舉人至京中副榜第一人諤宣聖後 皇太子召見
特賜進士出身授左春坊左中允侍講讀

鄉試不第而特許會試者景泰中陳瑛王倫也太學士循
文子有疏會試不第而特賜廷試者洪武中韓克忠等一
榜進士也會試不第免廷試特賜進士出身者孔諤

也一云諤超授中允未賜進士出身
身後 文皇帝改監察御史

贈進士

天順七年貢院災會試舉人死於火者九十人事聞
俱贈進士出身

一歲兩狀元

洪武丁丑廷試賜陳郊劉鏐尹昌隆及第後以舉人
訴覆試復取韓克忠王恕焦勝及第九二榜兩狀元
而二公官俱不顯

連歲狀元

永樂辛卯如廷試寄監中式舉陳璲等賜蕭時中苗
衷黃賜及第明年復廷試中式舉人林誌等賜馬鐸
林誌王鈺及第連歲二狀元而皆不顯

會試四主考

天順癸未禮部左侍郎學士陳文尚寶少卿兼修撰
柯潛爲考試官貢院災以次年改太常少卿學士彭
時侍讀學士錢溥

丞相知貢舉

洪武三年應天鄉試特進右丞相汪廣洋左丞相胡
惟庸知貢舉御史中丞劉基治書侍御史秦裕伯主
試同考則侍讀學士詹同弘文館學士睢稼起居注
樂韶鳳尚寶丞吳潛國史編修宋濂四年仍鄉試主
試兵部尚書吳琳國子監司業宋濂尋會試知貢舉
仍廣洋惟庸又設主文官爲禮部尚書陶凱前翰林
侍講學士潘廷堅考試翰林侍讀學士詹同國子監

司業宋濂等

知貢舉官讀卷

禮部尚書知貢舉不得爲讀卷官唯永樂中特詔尚書呂震嘉靖中特詔尚書嚴嵩讀卷皆異數也

典史中會試

曹文襄鶴以太和典史運糧至京乞會試得第二人廷試復爲第一人十年遂登相位後有刑部吏南昱松陵驛丞鄭溫然位不甚顯考蘇州志常熟黃鉞叔楊亦以典史中會試

朱書黃榜

永樂甲辰

上臨軒策士初以孫曰恭爲第一邢寬爲第二既而曰孫暴不如邢寬遂擢寬第一曰恭第三仍朱書黃榜一時以爲盛事

同考試官作試錄序

洪武二年京畿鄉試錄序出於國史院編修宋濂四年京畿鄉試錄序復出於濂俱國子司業是秋會試錄序復出於濂俱同考試官最後者蓋濂以文學見重故耳嘉靖甲辰主考禮部尚書學士張潮卒於試院同考翰林修撰茅瓚爲後序甲子應天主考中允

孫世芳卒於試院同考吏部蔡國珍爲後序

一歲兩考庶吉士

永樂甲申擇二甲文學優長者楊相等五十一名及善書湯流等十人俱爲翰林庶吉士進學五月擢庶吉士杜欽王惟正節慶爲戶科給事中周玉羅亨信張侗爲工科給事中明年正月始復選楊相劉子欽彭汝器王英王直余鼎章敬王訓柴廣敬王道熊直陳敬宗沈升洪順章朴俞學夔羅汝敬盧翰湯流李時勉段民悅吳紳楊勉及首甲修撰曾榮編修周述周孟簡二十六人於文淵閣肄業所謂二十八宿者

而周忱陳請與焉司禮監月給筆墨紙光祿寺日給酒饌禮部月給膏燭工部人給第舍按今人但知二十一人不知其先取六十一人也宣德癸丑選年少質美者尹昌黃瓚趙智陳雲傅綱黃回六人爲庶吉士令王直教習十一月復選徐瑄賴世隆吳節李紹姜洪虞瑛潘洪王玉陳金劉實鄭建方熙何瑄爲庶吉士并令王直教習今人但知徐瑄即有貞爲首不知其有尹昌等六人也蓋一榜有前後兩庶吉士矣若嘉靖壬辰初取錢亮許樾閔如霖衛元確段承恩韓勗扈永通呂光洵謝九儀劉光文黃獻可劉士達

劉思唐閻樸胡守中錢籍王梅雷禮邊岑李大魁郭希顏進呈矣。上閱卷見彌封有不固者寢之尋詔復選得呂懷范瑟錢亮黃應中秦鳴夏邊沆閔如霖王珩衛元確浦應麒游居敬趙汝濂劉思唐閻樸胡守中李本趙維垣何城王奪李大魁郭希顏蓋以後選爲重也。

冠帶舉人

永樂甲申翰林院試下第舉人張鉉等六十一人俱賜冠帶於國子監進學以俟後科丙戌廷試乙榜舉人周翰等二人俱賜冠帶於國子監進學餘除教官

已丑國監試下第舉人熊槩金庠等十餘人并會試中式舉人陳璲等俱寄國子監不給冠帶宣德癸丑試乙榜龍文章瑾等二十四人如張鉉例給訓導俸攷諸冠帶舉人登第者十不下六七而名世之臣不與焉。

史官教庶吉士

教習庶吉士多用學士以上官亦間有及講讀者惟正統乙丑初用編修趙恢後用修撰王振

藩臬兼任

成化中湖廣右布政使陶魯兼廣東按察副使正德

金華山堂別集 卷之八
中江西右布政使吳廷舉兼本省按察副使嘉靖中
山西右叅政王輪兼按察僉事山西右叅政李綦江
西右叅政張景賢浙江右叅劉濤俱兼按察副使盖
皆爲兵備地方有年勞或功賞故也以吾兵備言
之山東右叅政任環湖廣右叅政王叔杲俱兼按察
僉事湖廣右叅政湯賓兼按察副使凡三人近年以
來不可勝紀襄陽兵備楊一魁則陞右叅政無兼秩
吾蘇松兵備馮叔吉徐節蹇達則直爲湖廣按察使
萬曆十五年有致縉紳錄至者閱之爲駭然因記於
此亦時制一大變也

以按察使飭兵者湖廣蘄州李琦河南汝南胡緒山
西翼北王緘陝西寧夏戴光啟固原李廷儀甘州刑
玠山東齊山曹子朝四川下川南蔡國珍廣東海南
陳瑛雲南騰衝姜忻清軍邊維垣廣西賓州陳洙
以右叅政飭兵備者北直隸永平葉慶能密雲郭四
維紫荆張修吉宣府王學書遼東海蓋郝杰山西冀
寧許雲濤陝西莊浪茹宗舜靖邊李春光岷州郭汝
河州張思忠臨鞏石櫃隴右趙焯
以右布政使掌按察司者河南王體復

特蒞鄉土

永樂中西安人楊恭自刑科給事中擢陝西右布政使開封人許廓以工部左侍郎彰德人王彰以右都御史俱巡撫河南兗州人樊敬以右通政兼行軍司馬鎮濟寧

吳人陸公完以逐流賊至吳提督軍務撫臣俱聽鄧制閩人彭公澤以平蜀寇由關中進兵後處置哈密事復摠甘肅諸鎮軍務楚人陳公金以姚源賊兼總七鎮浙人趙文華以征倭提督閩人張經徽人胡宗憲俱以備倭總督山西人則少師太宰楊公博少保大司馬王公崇古天津人右都御史劉公濤真定人

大司馬梁公夢龍俱以總督禦虜吾吳少司馬劉公畿亦以總督討徽寇俱蒞本土

節制各省

弘治以前雖有大征而文臣多係參贊即有重寄多是本省節制及隨行官軍而已正德中陸司馬完彭中丞澤破山東河南大盜兼督二省南北直隸湖廣陳尚書金破東鄉姚源盜總制江西浙江福建湖廣南直隸等處洪尚書鍾破籃駝盜總制湖廣鄖陽陝西河南四川等處嘉靖中平田州亂王新建伯守仁總督廣東廣西江西湖廣諸處拒北虜翟尚書鵬總

督宣大遼薊北直隸山西河南等處平江西寇胡尚書宗憲總督兩浙南直隸江西福建諸處俱聽便宜行事鎮巡等官俱聽節制

兩京文臣總督

京營兵馬例以公侯伯總督而文臣或提督或協理南京守備例亦用公侯伯而文臣稱叅替其奏疏行移坐次皆出其下惟景泰初于肅愍謙以少保大司馬稱總督軍務列武靖侯石亨上王忠毅以靖遠伯大司馬稱總督機務坐守備寧遠伯任禮左蓋以二公望重故優寄之後不爾也

勛臣巡撫

文臣稱巡撫而武臣內臣稱鎮守例也獨宣德中少師隆平侯張信巡撫陝西而嗣後都御史陳鑑王文侍郎耿九疇却稱鎮守

給事中巡撫

永樂十九年遣給事中馬俊等同尚書蹇義金純等巡行天下撫安軍民俊往南直隸葛紹祖往四川王勵往河南李瑒往陝西許能往浙江章雲往江西徐初往福建陶衍往北直隸劉渙往山東劉蓋往湖廣艾廣往廣東蕭奇往山西楊春往廣西正統十四年

命吏科都給事中張固往河南裕州兵科都給事葉盛往陳州等處勅其招撫流移耕種生理仍提督各衛所操練軍馬固守城池如有賊寇生蕞相機勦捕毋致滋蔓

未 錦衣一品

錦衣典親軍其後寄以訶察之柄體勢日重然本非尊官也故雖紀綱門達逮臬之寵寄橫肆然綱達不過都指揮僉事臬僅指揮同知而已袁彬自都指揮出僉都府方晉橫王正德初指揮高得材緣從父鳳柄司禮傳陞右都督終以非例於五府帶俸錢寧繼

踵此官雖貴盛之極而意猶歉之請以都指揮理事下兵部議曲爲諛解遂成不疑沿流至於陸朱極矣今攷 太保兼少傅者一人陸炳太保兼太子太傅一人朱希孝太子太傅一人劉守有左都督一人錢寧右都督一人陳寅都督同知一人余蔭已上皆掌衛督行事官校者也右都督一人錢安都督同知三人袁天章孫鈺楊俊士已上同掌衛督捕者也其它恩蔭管事左右都督如麥祥高恕黃浦之類不可勝紀矣

全山堂別集卷八

三人書又京師...
 掌諭曾...
 論...
 衡...
 今...
 不...
 到...

全山堂別集卷九

吳郡王世貞元美著

皇明異典述四

勲臣總省府臺

洪武中詔太師韓國公李善長曹國公李文忠總理
 中書省大都督府御史臺事後命韓公專理臺事曹
 公亦出鎮

勛戚理文職

永樂初以北京行部尚書缺請特詔駙馬都尉李讓
 兼領再命讓領北平布政司事又洪武中命汝南侯

梅思祖掌雲南布政司事駙馬都尉王恭兼福建行
省叅政

勲戚理太學

洪武中 上以公侯子弟在太學者多驕慢不習訓
詔曹國公李文忠提督國子監又二十九年署國子
監學正吳啟言國子師生例以太學優劣分隸六堂
邇來皆無顛別高下不分無以激勸宜考第如例
上命魏國公徐輝祖率禮部翰林院官詣監考試諸
生等第吏部以次錄用

文臣掛將軍印

正統中王靖遠驥以兵部尚書征湖貴苗充征蠻將
軍成化中王威寧越以左都御史出征充平胡將軍
守大同充征西前將軍改鎮延綏充靖虜副將軍俱
掛印

文武二銜

洪武初張彪以統兵元帥兼知全州王玉以副元帥
兼州同知呂兼明以義兵元帥兼知永康縣陳從貴
以帳前總管兼知東陽縣王道同兼知永康縣胡深
以右司郎中兼吳王府叅軍總處州兵汪廣洋以左
司郎中兼驍騎衛指揮馮勝以右都督兼詹事府詹

事 中書省叅政鄧愈兼僉行樞密院又以征戍將軍
兼左諭德征西將軍湯和兼左諭德華雲龍以都督
同知兼北平行省叅政丁玉以廣西行省叅政兼本
衛指揮使耿炳文以陝西行省叅政兼秦王府武傅
曹興才以山西行省叅政兼領太原衛指揮事郭雲
以南陽衛指揮使兼知南陽府呂文燧以永康翼左
副元帥兼知縣

勛戚公侯以下帶師傅不可言文武二銜也若都督
雖帶銜亦宜附紀景泰中太子太保都督僉事張軆
成化中太子太保左都督趙勝嘉靖中太子太

傅征西將軍大同摠兵官周尚文太子太保征西將
軍左都督大同摠兵官梁震太保兼少傅左都督掌
錦衣衛陸炳太保兼太子太傅左都督掌錦衣衛朱
希孝蓋 祖宗朝都督有勞寧封流伯而不加保傅
典制一變也後累加遼東總兵官左都督李成梁太
保兼太子太保薊鎮總兵官左都督戚繼光少保兼
太子太保錦衣衛掌衛事左都督劉守有加太子太
保太子太傅

武臣贈官得師傅者尤少嘉靖中梁震贈太保岳懋
贈少師李涑殷尚質楊照王治道贈少保隆慶初周

尚文贈太傅皆摠兵也萬曆初朱希孝贈太傅則錦衣也

文臣理武職

天順中楊善以禮部尚書改掌左軍都督府成化中王威寧越以左都御史改掌前軍都督府仍總五軍營兵提督團營操練俱帶伯爵

武臣理文職

洪武中大將軍徐達以衛鎮撫吳勉權大都路知府又起用致仕百戶楊山署掌芒部軍民府

武臣改文

洪武帳前總管王道同爲義烏知縣荊州衛指揮使蔡僊爲廣西行省叅政元帥單安仁爲按察副使再以瑞州守禦千戶爲將作卿管軍鎮撫薛祥進都漕運使十四年起致仕鎮撫張真拜兩淮都轉運鹽使司運使按張真者錦衣衛鎮撫後調太倉余於其家得御寶勘合驗之則山東布政使司左布政也其制亦與今憑文不同十五年起致仕南陽右衛百戶吳權爲福建布政使司右布政使濟寧左衛鎮撫胡溥爲山東布政使司右布政使濟川衛百戶周景爲左叅議永平衛百戶范誠爲右叅議宣武衛百戶張

端爲山西布政使司左叅政永清右衛千戶王福爲
叅議永平衛百戶劉清爲右叅議龍驤衛百戶張林
爲廣東布政使司左叅政南昌衛所鎮撫江崇爲右
叅議羽林左衛百戶龍德爲浙江布政使司右布政
使周先爲四川布政使司左布政使徽州守禦所百
戶周良爲陝西布政使司右布政使又以散騎舍人
耿瑄爲尚寶司卿十八年改陝西都指揮楊貴爲河
南左布政使天策衛所鎮撫歐陽相佐爲四川布政
使司左布政使水軍衛所鎮撫馮翼爲右布政使致
仕水軍左衛鎮撫張貞爲湖廣布政使司左布政使

此張貞非
前張真也

處州衛所鎮撫陳蠡爲右布政使廣武衛

所鎮撫左傑爲江西布政使司右布政使府軍前衛

百戶周良爲山東布政使司左布政使武德衛鎮撫

馬淵爲福建布政使司右布政使羽林右衛鎮撫蔣

彛爲廣西布政使司左布政使 又宣武衛鎮撫徐

麟爲河南府同知以戰功進知府 又以韃靼指揮

使安童爲刑部尚書元降將瑣納兒加爲治書侍御

史咬住爲左副都御史忽哥赤爲工部右侍郎

末樂百戶劉泰改建寧府通判至禮部員外郎

成化中錦衣衛百戶何瑾爲尚寶司丞府軍前衛副

千戶于冕改兵部員外郎

文臣改武

洪武中中書左丞吳宏左遷親軍指揮使中書右丞
兼右詹事趙庸江淮叅政傅友德俱陞同知大都督
府行省平章李文忠改左都督江西行省叅政汪興
祖陞都督僉事左司郎中單安仁改守禦千戶大都
督府斷事脫列伯陞驍騎右衛指揮僉事太僕寺卿
商嵩爲中府都督僉事子敬復以太僕卿爲大同衛
指揮僉事九江知府丁玉陞都衛都指揮溧水知縣
郭雲陞南陽衛指揮僉事燕府左相費愚爲中護衛

指揮使尚寶司丞楊能陞都指揮使尚寶卿耿瑄仍
陞前軍都督僉事尚寶卿徐膺緒陞大同衛指揮僉
事雲南鶴慶府知府董賜爲雲南前衛指揮僉事
永樂初燕府紀善李賢陞都指揮僉事保定府同知
朱真陞中衛指揮同知雜造局大使宋得陞羽林前
衛指揮僉事陵川訓導劉泰陞百戶
洪熙中鴻臚少卿哈的陞錦衣衛光祿寺署丞馬成
陞金吾右衛俱指揮僉事尚寶卿朱琇陞金吾左衛
指揮使

宣德初光祿寺卿胡榮鴻臚序班孫愚陞都督僉事

后及貴妃父
愚尋改名忠

兵部左侍郎張信改錦衣衛世襲指揮同知後至四
川都司都指揮使鴻臚寺丞何敏陞錦衣衛指揮僉
事正統工部主事吳賢即尚書
吳中子改錦衣衛世襲百戶
後陞千戶

天順中太常寺奉祀劉謙陞錦衣衛正千戶翰林院
典籍馮瑤陞錦衣衛副千戶廣西右叅政岑瑛陞本
省都司都指揮使瑛土
官也

成化十一年陞文思院副使王綱高明錦衣衛所鎮
撫十六年陞鴻臚寺序班許暢通政司經歷何

所鎮撫又文思院大使毛祥營繕所副沈智姚興俱
錦衣衛所副千戶所副盛能所丞陳全文思院副使
周貴周六一劉榮馮宇俱錦衣衛所百戶十八年陞
文思院副使顧羊保孟林俱錦衣衛所百戶十九年
陞文思院副使李聰等五人俱錦衣衛所鎮撫又陞
通政司知事張禮錦衣衛世襲副千戶文思院副使
張旺段撫理錦衣衛所百戶二十年陞文思院副使
葛信王貴顧琪錦衣衛所鎮撫二十一年陞禮部司
務李宗義文思院副使高濤俱錦衣衛所百戶鴻臚
寺序班姚通錦衣衛所鎮撫又陞文思院大使郭成

姚安等錦衣衛所百戶徐綱陳謙所鎮撫又改上林苑錄事汪憲錦衣衛試百戶按憲實改衙門餘俱帶銜於文華武英仁智三殿及御用監供事者也

弘治中鴻臚寺卿張巒為中軍都督府都督同知后

也中書舍人袁熹襲錦衣衛都指揮僉事進士梅純

襲孝陵衛指揮使陞中都副番守又田州府知府

岑猛降福建平海守左所百戶猛土官也

正德中兩浙鹽運司同知劉瑄陞錦衣衛指揮僉事

平谷縣知縣楊某陞錦衣衛所百戶文思院副使方

景陞錦衣衛所百戶

嘉靖初鴻臚寺卿陳萬言陞中軍都督府都督同知

皇湖廣右布政使掌承順宣慰彭世麒陞都指揮

使崇明知縣吳大本仍襲原衛指揮使

隆慶中兩淮鹽運司判官鄭崇孝仍襲錦衣衛左所

正千戶

萬曆中文思院副使王偉陞錦衣衛指揮使皇又

州判官金丹陞所鎮撫仕至都指揮僉事世襲指揮

同知

文臣國戚

高帝時太常司卿前吏部尚書呂本女為懿文皇

太子繼妃 英宗女重慶公主下嫁鴻臚寺卿周顥
子璟 憲宗女仁和公主下嫁尚寶卿齊佑子世英
顥佑遷一官帶俸不任事

文武臣掌中外兵

國朝之制總禁兵者不得預外兵惟嘉靖中虜入寇
都御史楊恪愍公守謙自保定咸寧侯仇鸞自大同
各入援詔守謙提督中外諸軍已鸞至拜總督亦如
之又命文職三品武職都督已下悉聽軍法從事楊
僅數日遇禍仇聲勢殊烜灼而禍尤慘

又

倭事起南原兵部尚書張公經不妨參贊機務仍撥
督南直隸等處軍務事權亦類之尋以明年下
獄

勛戚大臣為指揮使

洪武中駙馬都尉王克恭領福州衛指揮使黃琛領
淮安衛指揮使靖海侯吳禎出領定遼衛指揮使建
文初起在閒越雋侯俞通淵領豹韜衛指揮使

駙馬伯二品

國初駙馬都尉黃琛王克恭誥稱鎮國上將軍忠勤
伯汪廣洋誠意伯劉基誥稱資善大夫護軍以階勲

攷之蓋正二品也琛克恭所尚主於上從姊例當
裁爲儀賓 上不忍故仍其號而下其階誠意歲祿
二百四十石僅視四品所不可曉

指揮掛將軍印

洪武二十八年命蘄州衛指揮僉事胡冕爲征虜前
將軍六安衛指揮同知宋晨武昌荊州二衛指揮僉
事徐越榮鑄副之討郴桂山賊又於二年命潭州衛
指揮同知丘廣爲總兵官寶慶衛指揮僉事胡海廣
西衛指揮僉事左君弼爲左右副總兵討左江上思
州蠻三十年命湖廣都指揮使齊讓爲平羗將軍蘄

州衛指揮僉事胡冕六安衛指揮僉事宋晨爲左右
副總兵討古州蠻按齊讓係都指揮而丘廣不掛印
差少異耳然司衛官任大將亦後代所無之典

駙馬封侯

洪武中李貞封恩親侯以恩澤建文中駙馬都尉李
堅封灤城侯以破燕功永樂初王寧封永春侯以納
款功袁容封廣平侯李讓封富陽侯以靖難功嘉靖
初崔元封京山侯以迎駕功贈侯者景泰初井源以
土木死事贈鉅鹿侯

駙馬加公孤

嘉靖中崔元加太子太傅再加少師太保太傅蔡震
謝詔俱加太子太保

駙馬坐府典兵
永樂間駙馬李讓袁容俱鎮守北京仍理行府都督
事王寧鎮雲南沐昕初同襄城伯李隆守備南京至
正統間革猶與趙輝俱掌南京都督府自後所掌惟
宗人府及領侍衛將軍力士而已又宋琥宋瑛相次
掛平羗將軍印鎮甘肅

駙馬提學

洪武十九年勅駙馬都尉梅殷提督山東學校兼理

地方事務朕觀古之帝王必賴賢才輔佐以成治功
賢才之在天下必待明師教育以成器用爾駙馬都
尉梅殷幼承家教長能篤學精通經史頗有才華雖
乃武臣之裔堪爲文儒之宗今特命汝提督山東學
校作養人才兼理地方等處事務汝惟欽承朕命勿
負所托

外戚握兵政

國朝自

成祖而後后妃不選公侯家正統初

太皇太后下詔裁彭城伯張昺左都督張昇不得與

議 朝政自後雖爵至公侯位爲師傅亦優游食祿奉朝請而已惟會昌侯孫繼宗以元舅總團營兵馬監修 國史知經筵迨八十告老猶掌後軍都督府事此亦政體一大變也夫以張壽寧兄弟之寵方安平后父之重李武清外祖之尊而皆不得預此千古所當法也

勛戚武臣直廬應制

國家應制對敷之作惟屬之詞林近臣雖九列不與而嘉靖中顧獨賜直廬以居諸貴往七勛戚武弁亦得參之如醮詞門聯以至表啟歌頌之類手無停筆

賞無虛日今可紀者勳臣太師太子太師翊國公郭勳太師兼太子太師成國公朱希忠太師太子太師咸寧侯仇鸞親臣太傅兼太子太傅駙馬都尉京山侯崔元駙馬都尉鄔景和少保太子太保安平伯方承裕武臣太保兼少傅左都督掌錦衣衛陸炳太保兼太子太傅左都督掌錦衣衛朱希孝後勳鸞以它事敗景和不能其事罷直

錦衣指揮侍經筵

故事以勳臣極尊一人知經筵以次尊一人侍經筵正統末特詔錦衣指揮同知王山侍經筵以太監振

第故也

武臣兼總團營廠衛

正德十四年左都督平虜伯朱彬以提督團營總兵官兼督東廠及錦衣衛官校辦事團營太監張永谷大用主之東廠張銳主之錦衣朱寧主之彬兼總三務中外大柄悉歸之矣彬扈行稱提督贊畫機密軍務總兵官仍督辦事官校不久亦敗

朱彬即江彬也

內臣任文銜

洪武置定遠牧監屬太僕以中官李善為監副胡清董良為御良又光祿寺鄉而下用士人內官庖役相

兼散官照本行給授永樂命上林苑監署正至永簿悉內官文臣兼任若外臣任內職則前江彬督東廠也

外臣任內政官

洪武初杜安道以帶刀宿衛授尚冠郎遷御用監令供奉司今皆內臣職也最後遷光祿寺卿

番將握兵

祖宗時番將有功雖累封至侯伯不得掌五府都司衛所印及總兵鎮守或入奉朝請或於各鎮住牧惟有征行則遴所部精騎以從或別將則副大帥耳天

順初以恭順侯吳瑾掌右軍都督府瑾故恭順伯允誠即把都帖木兒孫也廣義伯吳琮鎮寧夏琮亦把都帖木兒孫也東寧伯焦壽鎮薊州及甘肅故指揮八思台孫也右都督芮成鎮四川指揮孛羅子也史以爲番將握兵之始自是而後不可勝紀矣

土官陞府部大臣

洪武土官宣慰使鄭彥文陞工部左侍郎永樂交州府知府阮均爲刑部左侍郎建昌府知府同彥翊濱州府同知黎思凱爲刑部右侍郎景泰守禦潯陽都指揮同知黃瑛爲左軍都督府同知管府事

內閣制勅兩房極品

制勅二房官其職雖司典籍具內外制草及謄寫然不過爲大學士供筆硯役人而已間取科甲一二充之然外制之重者別舉翰林講讀以下司其事固不得與也故兼官至九列其在科目者則出而爲鄉佐以藝選者不過加服俸而已惟武世二廟稍有踰等至穆廟而始復爲限量其至尚書者三人禮部張駿工部周惠疇張文憲至左侍郎者一人禮部張電右侍郎者二人工部談相王槐文憲官侍郎時大學士李公本爲少詹事官尚書時李公爲侍郎然供

事如初

五孝子舉

洪武中布衣李德成以孝子舉爲光祿寺署丞遷陝西右叅政至右布政使永樂中權謹舉官亦如之遷文華殿大學士通政司右叅議洪武末張信舉爲尚寶司丞遷少卿至卿以終永樂八年總旗張法保封肝療祖母旌擢如信武寧人張仲賢封肝療祖母旌如法保擢鴻臚寺司儀署丞

尚書待詔

嘉靖中盛端明以太子少保顧可學以太子太保俱

歷禮工二部尚書食祿優饒錫賚蕃庶顧上疏乞奉朝請陪祭遂獲遣拜內殿三皇五帝先師孔子復獲撰題名記

題名記非翰林臣撰

進士題名記例以內閣大臣歷年請撰

者惟嘉靖末六記俱撰自內閣嚴公李公禮部徐公詹府孫公外

上以命吏部左侍郎李公默李非翰林臣 上意盖有深屬也而帶俸尚書顧可學遂爲丁未題名記尤可駭

非二品銀印

武職都督府都指揮使司文職六部都察院凡二品以上用三疊篆挂印將軍柳葉篆皆銀印獨漕運總兵印同將軍順應天二府尹三品得用銀印文淵閣五品用銀印而差小玉筋篆

二品麟玉

衍聖公正二品誥命例用犀軸常服鶴袍犀帶宣德請給玉軸誥命景泰賜麟袍玉帶自是以爲常其大朝會宴享在左班一品之上

非翰林官謚文

謚典自建文君謚王文節公禘前後垂五十年文臣無賜謚者有之自永樂中姚恭靖廣孝胡文穆廣始胡以內閣得謚文遂爲翰林所擅他曹莫敢與矣其亦有非翰林而謚文者御史中丞誠意伯劉文成公基行部左侍郎馮文簡公京吏部尚書姚文敏公夔唐文襄公龍左侍郎葉文莊公盛南京吏部尚書魏文靖公驥左侍郎儲文懿公瓘南京戶部尚書王文莊公鴻儒禮部尚書鄭文安公賜左侍郎儀文簡公智南京禮部尚書楊文恪公廉邵文莊公寶大理少卿李文通公奎刑部尚書何文肅公喬新工部尚書

周文襄公忱南京工部左侍郎何文簡公孟春右侍郎黃文毅公孔昭都察院左都御史蕭文昭公維禎左副都御史吳文恪公訥新建伯王文成公守仁王公以武勲得之尤爲奇偉謚又與劉誠意同然劉嘗爲弘文館學士內王文莊曾爲國子祭酒周文襄曾預庶吉士所謂挨宿者也

翰林不謚文

翰林臣不謚文者謹身殿大學士王毅愍公文文淵閣大學士陳荏靖公文文淵閣大學士袁榮襄公宗臯侍講劉忠愍公球戶部尚書前中允侍講楊莊敏公鼎禮部尚書前庶子侍講盛榮簡公端明南京吏部尚書前學士朱恭靖公希周內劉重死事袁由長史遷盛以藥餌召陳玉以避名朱以避父諱楊公不知所以

謚不避名

謚不避名者金尚書忠謚忠襄徐蔡公忠謚忠烈於先王尊名之典不盡合也林侍郎文俊謚文修程侍郎文德謚文簡張太師居正文明今謚文忠皆以不偏諱故

四品以下官得謚

謚法非三品以上兩京大臣不得與然而亦有得之者如楊恭惠信民以僉都御史劉文恭鉉以少詹事宋文恪訥李忠文時勉陳文定敬宗鄒文莊守益以國子祭酒李文通奎劉文介儼以太常少卿俱四品朱文肅善胡文穆廣呂文懿原以翰林學士張文僖益以侍讀學士楊忠愍繼盛以兵部員外郎朱忠定復張恭僖景明以長史俱五品徐文肅善述以春坊中允王文靖_{王汝}以贊善王忠文禕以翰林待制劉忠愍球以侍講羅文毅倫舒文節芬俱以修撰羅文恭洪先以贊善蔣恭靖用文以太醫院判俱六品鍾恭

愍_同以御史七品陳恭愍選以布政毛忠襄吉周節愍憲馮恪愍傑許忠節達以憲副岳文肅正以知府鄧恭毅顛以知縣皆藩臬郡守外臣諸公或禁近碩德或封疆殉義無愧賜名者獨蔣以技藝小臣獲之殊為幸耳楊豫孫所著謚纂有日南知州何忠謚忠節上蔡知縣霍恩謚愍節當是祠額非謚也又有太醫院使袁宏謚襄敏攷正史有祭葬而無謚

改謚

建文初謚湘戾王栢後改謚獻臨潼惠簡王公銘追封秦王改謚安和僖王誠源追封秦王改謚莊新化

端和王知儻追封晉王改謚康肅安和世子真浹追封肅王改謚靖靈川榮懿王銓鈺追封潘王改謚安福山恭和王勛壯追封潘王改謚靖

建文贈翰林待制王禕學士謚文節後改忠文國子祭酒李時勉初謚文毅亦改忠文榮國公張玉初謚忠顯改忠武會昌侯孫忠初謚康靖改恭憲保國公朱永初謚武襄以同父號旋改武毅內閣學士曹鼐初謚文襄改文忠石瑤初謚文隱改文介張治初謚文隱改文毅

四字謚

真人禮部尚書邵元節卒特賜謚曰文康榮靖真人陶仲文卒又特謚榮康惠肅古稱貞惠文子有二字者今乃有四字亦無前曠典按邵初死內閣擬二謚御批俱用耳見顧文康夏桂洲諸公碑誌可據後至仲文亦用邵例至隆慶初俱追奪

追謚三代

開平王常遇春卒

上追贈其曾祖四三銀青榮祿大夫上柱國中書平章政事謚莊簡祖重五開府儀同三司上柱國少保中書平章政事謚安穆父六六開府儀同三司上柱

國太保中書右丞相謚靖懿自唐宋以來未有謚及
三代者蓋 上是時念王功高因循元制故有此舉
耳然謚以尊名名尚未有何所取尊 中書平
夫妻贈謚異典

永樂十四年保聖賢順夫人馮氏夫王忠贈左都督
謚恭靖洪熙元年衛聖夫人楊氏夫蔣廷珪追封保
昌伯謚莊靖此皆因妻而得封爵贈謚也洪武中黔
國吳威毅公復妾楊氏封淑人謚貞烈正統中晉憲
王妾孫氏石氏封夫人謚貞節以死義故此皆因夫
而得贈謚者也其王妃之以節特謚者凡十三人不

悉載

公主賜謚

公主故無賜謚惟 仁廟以第四女早夭而最鍾愛
特謚德安公主 世宗朝太師翊國公郭勛承恩請
追謚高祖母永嘉大長公主特賜謚曰貞懿

夷狄賜謚

夷王得謚者日本王源道義謚恭獻高麗王王顥謚
恭愍李旦謚康獻李芳遠謚恭定李珣謚恭順李娒
謚韓淳泥國王麻那惹加那乃謚恭順蘇祿國東王
巴都葛叭峇刺謚恭定古麻刺朗國王幹刺義亦敦

奔謚康靖

與推陞加秩

弘治十三年少保太子太傅兵部尚書馬文升首推吏部不點特加少傅正德六年太子少保吏部尚書楊一清首推內閣不點加少保太子太保仍蔭子錦衣衛世襲千戶

轉官加宮秩

秦司空金轉南兵部加太子太保倪宗伯岳梁太宰儲吳宗伯一鵬轉南吏部胡司寇世寧轉左都李太宰承勛改司寇陶司空琰江司徒東轉南兵部俱加

太子少保或以北之南似左或以部分稍亞故爲加秩慰籍之耳李司寇承勛改兵書左都理團營特加太子太保胡司寇世寧轉兵書亦加太子太保趙文華自工部侍郎進尚書特加太子太保郭吏侍朴袁吏侍煇由吏部侍郎進禮部尚書加太子少保蓋殊寵也袁以禮書入閣又特加太子太保易戶部遽得秘殿不一而足尤爲卓異近馬公自強由太子少保禮部尚書入閣亦加太子太保兼文淵閣太學士

駙馬錄文蔭

駙馬都尉裔孫入監讀書者李琦孫禎成化二十三

年送監尹清孫衡弘治十年送監沐昕曾孫琚弘治
十一年送監右皆乞恩得者嗣後 兩宮徽號詔赦
內有錄用一條不可勝紀矣

乳母錄文蔭

翊聖夫人劉氏男季通天順八年送翰林院習字授
中書舍人累陞太僕寺少卿恭聖夫人異胡恭成化
二年送中書習字授中書舍人累陞尚寶司卿

弇山堂別集卷九

弇山堂別集卷十

吳郡王世貞元美著

皇明異典述五

文臣異途

國朝文臣入仕正途惟有進士鄉科歲貢選貢而已
其任子及 國初賢旅正人材舉薦亦次之其有不
由是途而登大位者略紀於是

太子少師贈少師榮國公姚廣孝左布政使吳印華
克勤俱以僧其翰林應奉李頤證輩亦然

禮部尚書蔣守約李希安崔志端工部尚書陳道瀛

徐可成禮部左侍郎丁永中金贊仁師宗記以太常神樂觀道士然皆不繇太常寺

太子太保禮部尚書贈少保許紳禮部左侍郎蔣宗武通政使司通政使掌太醫院事施欽仲蘭李宗周張鑾徐偉俱以醫

兵部尚書贈少師金忠以下

太常寺丞贈少卿袁珙子尚寶司少卿忠徹以相太常寺卿立玄清以全真道人玄清嘗爲監察御史以二宮人賜之遂自宮

禮部左侍郎湯序右侍郎康永韶以天文生

禮部尚書邵元節少師少保尚書陶仲文禮部左侍郎掌通政司事李孜省太常寺卿鄧常恩趙玉芝凌中以方術

太子少保工部尚書萬祺以推命

太常卿顧玃以巫師

兵部尚書單安仁左布政使張直等以武弁

詳見異典述

工部尚書徐杲蔭一子至錦衣衛指揮一子營繕所正及官生賜王帶食正一品俸上有密旨及徐少師階欲以崔志端例加太子太保徐公雖力止之然不知志端原無加太保也又工部左侍郎蒯義右侍郎

蒯綱蔡信郭文英俱以木工

工部左侍郎陸祥以石工

工部左侍郎吳復以知印正統末由倉官主簿累遷也陶文仲亦以知印授倉官後不復由資歷矣

吏部尚書張度戶部徐輝刑部李友直兵部滕德懋

徐晞工部李質萬祺

命即推人

吏部左右侍郎李信王春

戶部左侍郎掌光祿寺李亨禮部右侍郎掌光祿寺

對能刑部右侍郎劉敏王詔大理寺卿汪懋楊時習

陝西左叅政平思忠俱以吏又蘇州府知府况鍾泉

州熊尚初西安賈信亦吏也俱有政聲加正三品俸

都御史中丞涂節吏部尚書郎本中侍郎汪河以省

掾南京通政使張苗以承差

係太監張敏從子

工部尚書嚴震直禮部尚書鄭沂以稅戶人材

通政使欒暉以輸粟貢

禮部左侍郎李嘉以奉祠所禮生

禮部左侍郎張俊以諳書寫人

太常寺卿杜安道洪尚觀以櫛工

光祿寺卿徐興祖井泉以厨役

布政使蔡春王興宗以皂隸

太子太保左都御史楊善太子賓客戶部尚書劉中

敷太僕寺卿崔文奎以守城諸生

大理寺卿朱奎太常寺卿任道遜林章工部左侍郎謝宇俱以幼童薦直內閣林散官至從一品

工部尚書趙榮太子少保兵部左侍郎俞綱禮部尚書張天駿工部尚書周惠疇禮部左侍郎張電工部右侍郎談相王槐翰林院學士沈度大理寺少卿沈粲都察院右僉都御史凌晏如皆以習字選榮綱晏如皆真拜而綱嘗奉 旨入內閣度實爲學士晏如掌風憲又嘗爲吏科都給事中尤奇

刑部尚書安童工部侍郎也先帖木兒忽哥赤治書

侍御史瑣納兒加右副都御史咬住四川左叅政乃馬反以番虜

按察副使裴叔耆潘季佑太僕寺卿趙煜以安南國歸順人季佑僞太保也後以叅政掌又安府事

工部尚書黎澄子侍郎叔林以俘夷澄即僞虞大皇黎蒼弟在本國官爲推誠守正翊贊弘化功臣雲屯鎮兼歸化等鎮諸軍節度大使姚江管內觀察處置等使雲屯歸化嘉興等鎮諸軍事領東路天長等路大都督特進開府儀同三司入內檢校左相國平章軍國事上柱國賜紫金魚袋衛國大王澄幸免於俸

而以善造神鎗父子至八座祿食者近五十年年八十餘子亦近八十可謂遇矣

任子大位

國朝重科目一途任子多不得大位獨燕府左長史朱忠定公復蔭子榮愿公濬至北京行部尚書禮部左侍郎儀文簡公智蔭子忠襄銘至太子太保兵部尚書學士呂文懿公原蔭子憲至南京太常寺卿少詹事劉文恭公鉉蔭子榮至太常寺卿掌尚寶司浙江按察副使陶公成蔭子魯至湖廣右布政使工部右侍郎黃文毅公孔昭蔭孫綰至禮部尚書江西按

察副使許忠節公達蔭子瑒至錦衣衛指揮使管衛事都察院右副都御史孫忠烈公璫蔭子堪至都督僉事又蔭孫鈺至都督同知皆品秩過其所自

工部尚書黎公澄蔭子叔林至工部右侍郎工部左侍郎陳公壽蔭子常戶部右侍郎督倉場凡十七年少保兵部尚書于肅愍公謙蔭子冕至順天府尹少師大學士劉公吉蔭子銳少師大學士徐文貞公階蔭子璠俱至太常寺卿三品少師大學士嚴嵩蔭子世蕃至工部左侍郎加正二品服俸太子太保兵部尚書劉莊襄公天和蔭孫守有至左都督太子太傅

兵部尚書余肅敏公子俊蔭曾孫蔭至都督同知少師吏部尚書楊襄毅公博蔭子俊卿至都督同知俱掌錦衣衛事

任子清華之秩

北京行部尚書朱公濬子紹祖蔭通政司左叅議國子監祭酒宋公訥子復祖蔭國子司業吏部左侍郎兼翰林院學士曹公鶴子思蔭翰林院編修文淵閣大學士胡公廣子種尚書金公忠子達蔭俱翰林院檢討達改給事中至兵科都給事中禮部尚書呂公震子熊侍郎儀公智子銘子泰兵部尚書劉公儁子奎陳公洽子樞吏部侍郎俞公山子誥蔭俱給事中以非常典紀之如右

王國超封

秦鎮國中尉懷塔襲王是爲宣王周鎮國將軍睦樞襲王是爲恭王肅輔國將軍縉熿襲王是爲今王按周王超二等肅王超三等秦王超五等尤爲奇絕

超封公侯

二品超封公者洪武二十二年都督僉事胡顯封梁國公三十五年都督僉事丘福封淇國公朱能封成

國公

超封侯者洪武三年二十八侯內中書省左丞周德興江夏侯右丞薛顯永城侯趙庸南雄侯梅思祖汝南侯都督僉事郭子興鞏昌侯吳良江陰侯費聚平涼侯陳德臨江侯都督副使顧時濟寧侯燕府左相華雲龍淮安侯秦府左相耿炳文長興侯吳府左相吳禎靖海侯俱正二品行省叅政傅友德潁川侯黃彬宜春侯陸聚河南侯俱從二品平陽衛指揮使王志六安侯正三品朔州衛指揮副使鄭遇春滎陽侯正四品自四年以後安慶侯仇成永昌侯藍玉永平

侯謝成鳳翔侯張龍安陸侯吳復宣德侯金朝興懷遠侯曹興靖寧侯葉景景川侯曹震會寧侯張溫雄武侯周武定遠侯王弼普定侯陳桓東川侯胡海武定侯郭英鶴慶侯張翼崇山侯李新航海侯張赫舳艦侯朱壽全寧侯孫恪越雋侯俞通淵永寧侯張銓皆以都督僉事二品封其以都督同知封者僅沐西平英而已三十五年靖難功封都督僉事張武成陽侯陳珪泰寧侯鄭亨武安侯孟善保定侯火真同安侯王忠靖安侯徐忠永康侯張信隆平侯李遠安平侯郭亮成安侯李彬豐城侯房寬思恩侯徐理武康

伯陳旭雲陽伯劉才廣恩伯陳瑄平江伯都指揮使
王聰武成侯徐祥興安伯趙彞忻城伯陳賢榮昌伯
都指揮同知李濬襄城伯張輔信安伯王友清遠伯
張興安鄉伯陳志遂安伯都指揮僉事孫巖應城伯
房勝富昌伯六年安南功封都督僉事柳升安遠伯
蓋是時伯階勲始定在侯之下一品之上故也自後
無超封者矣

峻加

勲武大臣三公凡太師八人太傅八人太保十九人
其不以漸而超加者韓國李公善長以太子少師加

太師魏國徐公達以太子少傅加太傅英國張公輔
加太師黔國沐公晟加太傅寧陽陳侯懋會昌孫侯
繼宗慶雲周侯壽長寧伯或瑞安王侯源壽寧張侯
鶴齡建昌伯延齡惠安張伯偉會昌孫侯銘加太保
洪熙禮部左侍郎楊士奇加少保遂進少傅通政
使黃淮加少保太常卿楊榮加太子少傅戶部右侍
郎金幼孜加太子少保景泰侍郎江淵王一寧蕭鎡
加太子少師俞山加太子少傅俞綱及副都御史羅
通大理卿蕭維禎通政使李錫加太子少保正德戶
部尚書武英殿大學士王鏊吏部尚書武英殿大學

士劉忠俱加少傅太子太傅

超遷

洪武初左右丞相正一品平章政事左右御史大夫從一品左右御史中丞正二品叅政從二品尚書正三品其超遷者廣東行省叅政汪廣洋爲御史臺左御史大夫通政司叅議李素爲中書右丞重慶府知府殷哲爲左丞起居注吳琳邵武府知府周時中常州府知府張度中書省郎中王敏兵部郎中陳銘俱爲吏部尚書河南府知府卞溥前按察僉事李泰大都督府經歷俞溥中書省郎中海淵戶部郎中程昱

呂熙傑斯刑部郎中顏希哲俱爲戶部尚書起居注楊訓文翰林應奉陶凱北平按察司僉事呂本禮部員外郎張籌主事牛諒俱爲禮部尚書紹興府知府唐鐸萊州府知府董俊行省左司郎中滕德懋劉誠兵部郎中趙本給事中安統俱爲兵部尚書御史臺經歷劉希魯荊州分省贊理劉大昕磨勘司令端木復初吳雲贊善大夫馮冕刑部員外郎李宗藝主事陳璿俱爲刑部尚書明州府知府余文昇爲工部尚書儀鸞司大使葉茂爲福建布政使起居注魏觀爲太常寺卿

上元縣知縣孫克義爲江西都事趙輝爲湖廣給事中李擴爲四川秦府伴讀魏肅爲北平晉府伴讀王鐸爲浙江司文監丞王璉爲山西燕府伴讀李濬文吳府伴讀張里仁爲江西俱行省叅政是時叅政從二品多以尚書遷其體稍重故附記之

洪武十三年以後陞六部尚書正二品侍郎正三品改行省爲布政司左右布政使從二品其超遷者通政司叅議余燦爲吏部太常司少卿阮峻戶部郎中王峇左諭德趙瑁左贊善門克新監察御史任昂翰林院典籍劉仲質爲禮部太原府同知溫飛鄉考功

監令李徵爲兵部審刑司左審刑王惠迪爲刑部嘉興府知府薛祥爲工部俱尚書儒學訓導陳敬試吏部禮部郎中高信御史李原明試禮部左叅軍劉達刑部郎中胡楨前國子監助教開濟俱試刑部右叅軍麥至德試工部俱尚書戶部郎中范敏審本部尚書御史嚴震直爲都察院右都御史承直郎劉逢吉吏部主事翟善爲吏科左給事中侯庸張迪龍川知縣陳敬即前陳敬也中書舍人蹇義爲吏部右磨勘司令王道亨岳州府知府封益宗人府經歷卓敬戶部員外郎聶震御史陳宗理爲戶部左吏科庶吉士楊靖

北平部郎中郁新戶部員外郎莫禮李彪主事夏原
吉給事中陳潤教諭石璞爲戶部右翰林院檢討程
性善爲禮部左禮部員外郎李冕爲本部右兵部郎
中齊泰工部主事沈潛御史彭祥爲兵部左兵部主
事劉雋爲本部右審刑司左詳議葛循刑部郎中任
勵員外郎侯泰御史嚴震直即前蕪湖縣知縣李行
素進士高鐸爲刑部左刑部主事黃紹祖刑科給事
中張思恭刑部司務祈著暴昭爲刑部右工部員外
郎周誼主事李文仲大理寺右評事王雋給事中冀
凱御史馮彬龍江衛經歷黃福羽林衛經歷邊晏

士秦達鞍轡局大使黃立恭爲工部右侍郎承勅
郎劉逢吉戶部主事王克巳試吏部右戶部郎中徐
禮部郎中杜思進試戶部左禮部郎中杜思進工
部郎中李端前按察僉事郭桓戶部主事傅友文右
正言田信給事中蔡昇大同衛知事朱安仁試戶部
右夷陵州學正張習試禮部左司封員外郎朱同試
禮部右署兵部員外郎劉述兵部主事王暹襄陽衛
知事賈勵試兵部右掾部郎中閻育都督府經歷商
英給事中徐文顯庶吉士楊靖試刑部右刑部主事
宋性署刑部右虞部郎中韓鐸試工部左都給事中

龔凱署工部左給事中卓敬司務王昇署工部右俱
侍郎職方司郎中趙彞爲通政使司通政使祥符縣
縣丞鄒俊爲大理寺卿刑部員外郎吳斌爲都察院
右副都御史按察僉事解敏御史唐鐸凌漢爲右副
都御史三十日漢超右都御史戶部主事郭資御史
嚴德珉桂滿懷慶府通判戴莊都司副斷事高翼爲
左僉都御史御史范俊常權邵質靜寧州判官元善
鄆縣教張紳南豐縣典史馮堅爲右僉都御史詹徽
試左僉都御史御史袁著羅山縣縣丞袁泰試右僉
都御史御史景清劉觀司中署左僉都御史刑部主

事鄧大鏗署右僉都御史職方司員外郎向寶刑部
員外郎寇徽爲應天府府尹右至靈王得一爲太常
寺卿兵科給事中張泌爲光祿寺卿景州學正胡季
安試國子監祭酒國子助教趙新爲山西左布政使
右王雋以奏事不實當問罪 上謂其年少有才
特赦而擢之趙彞向寶俱以九年考滿功過俱有
奏請亦特超擢之有可紀也其鎮撫千百戶超授
布政使等官已見武弁改文職中不復贅

建文兵部郎中盧淵爲本部左侍郎兵部郎中古朴
蘇州府通判徐壘爲右侍郎山東按察司僉事胡子

昭爲刑部左侍郎翰林院修撰練子寧爲都察院左副都御史秦府長史茅大方爲右副都御史

永樂左善世姚廣孝爲太子少師左通政朱濬保定府知府雒僉爲北京刑部尚書交州府知府阮均布政司左叅議李友直北平叅議許思溫北平按察僉事馬京安岳縣知縣康汝楫爲刑部左侍郎臨江府知府劉翼南河間府知府崔衍建昌府知府同彥翊濱州府同知黎思凱戶部郎中李昶爲右侍郎文選郎中陳洽爲吏部右湖廣左叅政郝鵬爲戶部左浙江右叅政張春江西右叅政蔚綬通政司叅議李文

郁行部郎中王鍾邵武府通判王禮爲戶部右浙江左叅議易英禮科都給事中胡澂爲禮部左陝西右叅政戚存心河南左叅政郭敦右叅政王彰刑部員外郎宋禮爲禮部右兵部郎中方賓審理正喬穩爲兵部左北平按察副使墨麟爲兵部右浙江右叅政趙狃左叅議左猷前北平右叅議盧祥紹興府知府李慶刑部郎中楊勉爲刑部右江西右叅政張本福建右叅政房安爲工部左山東左叅政郭進山西左叅政鄭剛開封府知府任毅慶州府知府劉蕪工部主事藺芳行在吏科給事中楊和刑科都給事中張

信御史甄庸爲工部右侍郎御史俞士吉張純爲
都察院右僉都御史戶部郎中李暹營繕司主事賀
銀爲通政使工科給事中戴希文爲太常卿祿州判
官湯宗爲大理右寺丞長沙府同知甄儀爲順天府
府尹威清衛經歷劉禮興州前屯衛經歷王煥爲湖
廣左右布政使洱海衛經歷沈仕溫爲浙江行人蔣
廷瓚爲貴州俱右布政使天津左衛經歷王平爲福
建左叅政行人聞良輔爲廣東按察使

洪熙鳳陽府照磨李準爲太子賓客詹事府府丞黃
宗載爲吏部大理寺右寺丞鄒希賢爲禮部大理寺

寺丞孫時爲兵部雲南按察僉事吳廷用御史金庠
爲刑部工部郎中蘇瓚易州同知裴璉爲工部俱右
侍郎湖廣左叅政李素爲都察院右副都御史鹽運
司判官向珩爲右僉都御史即日進右都御史鴻臚
寺右寺丞楊善爲本寺卿

宣德吏部郎中鄭誠趙新爲本部左右兵部郎中趙
倫叅政劉璉吏科給事中王佐爲戶部右叅政段民
爲南戶部右禮科左給事中李琦爲禮部左叅政王
士嘉吾紳禮部員外郎吳政爲禮部右長沙知府李
鄒兵部郎中柴車御史于謙爲兵部右叅政葉春刑

部郎中丁鉉員外郎曹弘爲刑部右按察副使成均
爲南刑部右越府長史周忱工部郎中黎澄御史羅
汝敬爲工部右刑部郎中段民署戶部右即前按察
副使魏源署刑部右侍郎御史李濬吳訥爲都察
院右僉都御史按察司知事李嘉爲通政使

正統吏部郎中曹義爲本部戶部郎中王淪沈翼吏
科都給事中張睿孟鑑爲戶部禮部郎中楊寧爲本
部兵部郎中侯璉爲本部温州府知府何文淵刑部
郎中李棠御史馬昂爲刑部武昌府知府邵旻武選
司主事王佑工科給事中張敏王永和御史王永壽

爲工部御史齊韶爲南京刑部武庫司郎中徐晞試
兵部俱右侍郎按察副使陳鑑朱與言建昌府知府
陳鼎爲右副都御史福建僉事魯穆浙江僉事張楷
御史王翺羅亨信俊一作信爲右僉都御史

景泰翰林院侍講洪璵爲吏部吏部文選司郎中李
賢翰林院侍講楊鼎侍讀儲懋兵科給事中劉清爲
戶部翰林院侍講王一寧編修陸琦禮科都給事中
章瑾李實吏科給事中姚夔爲禮部翰林院侍講杜
寧爲南京禮部兵部郎中項文曜王晞鄒幹爲本部
翰林院侍講江淵爲刑部工科給事中張敏爲工部

俱右侍郎兵部郎中羅通兵科給事中孫祥為都察院右副都御史刑部郎中陸矩鞏昌府知府韓昱兵科給事中王竑御史任寧段信為右僉都御史中書舍人王榮為大理寺右少卿

天順吏部驗封司郎中張用瀚為本部戶部浙江司員外郎劉本道為本部禮部祠祭司郎中蕭璉欽天監中官正湯序為禮部吏部驗封司郎中赫璜戶部江西司郎中陳汝言為兵部太僕寺少卿黃仕儁為刑部大同府掌府事叅政霍瑄為工部俱右侍郎又太僕寺丞孫弘為工部左侍郎

已上皆石亨曹吉祥薦也

戶部郎

中薛遠禮部郎中章綸刑部郎中周瑄各本部右侍郎御史滕昭國子監學正林聰俱為都察院右僉都御史

成化御史章璠屠瀟按察司僉事汪浩翰林院修撰張頤俱為右僉都御史璠撫陝西瀟協理院事浩督四川軍務頤撫宣府自是而後部院位日益重而郎署以下日益輕矣

弘治南寧府知府楊守隨為應天府府尹鶴慶府知府張海為順天府府尹

正德光祿寺卿張駿周惠疇為禮部尚書又尚寶司

丞周惠疇爲光祿寺大理寺評事楊立爲太僕寺卿
河南按察僉事王鼎爲順天府府尹

嘉靖中巡按御史胡守中以扈駕勞陞都察院右僉
都御史兼詹事府丞先人以御史按順天與浙江巡
按御史胡宗憲俱陞都察院右僉都御史工部右侍
郎趙文華以論李太宰陞太子太保工部尚書主事
桂萼張璠霍韜員外郎方獻夫以議禮萼璠爲學士
韜獻夫爲侍講學士御史王大任姜儆以訪僊陞翰
林院侍讀學士

光學超遷

翰林以光學士爲重若講讀以下得超遷者誠爲異
典今按以侍讀遷者曹文忠萬商文毅輅萬文康安
倪文毅岳及今嚴太保訥以修撰遷者李太師春坊
以尚寶丞遷者黃諫以右中允遷者董宗伯份又彭
文憲時以侍讀楊文忠和以左中允俱遷左春坊大
學士又國初助教宋訥拜翰林院學士翰林院編
修羅復仁拜弘文館學士典籍李翀拜侍講學士
洪武以翰林院待詔朱善爲文淵閣大學士典籍吳
沈爲東閣大學士洪熙以光祿署丞權謹爲文華殿
大學士權之此遷蓋尤異也

布政遷尚書

高帝之時藩司與六部均重以故少遷入者建文時雲南左布政使張統入爲吏部尚書右布政使陳迪入爲禮部尚書山東左布政使鐵鉉進兵部尚書其時尚書秩正一品永樂時比平布政使郭資爲刑部尚書正統時陝西按察使陳智爲掌院右都御史布政使劉中敷爲戶部尚書石璞爲工部尚書蕭昺石瑁爲禮部尚書張惠爲南京禮部尚書陸瑜爲刑部尚書陸之後絕響矣永樂宣德間左右侍郎副都御史轉布政使如魏源弋謙之類而布政使遷侍郎都

御史必食從二品祿

文臣從龍遷秩

洪熙宮臣輔監國者吏部尚書蹇義加少保左春坊大學士楊士奇爲禮部左侍郎兼華蓋殿大學士前右春坊大學士黃淮爲通政使兼武英殿大學士司經局洗馬楊溥正字金問爲翰林院學士

宣德宮臣左庶子陳山爲戶部右侍郎尋進尚書謹身殿大學士右庶子張瑛爲禮部左侍郎尋進尚書華蓋殿大學士右贊善王讓爲吏部右侍郎洗馬戴綸爲行在兵部右侍郎其他若詹事府府丞艾良鄭

焯左春坊左中允張宗璉僅爲大理寺左右寺丞右
春坊右中允徐永達爲鴻臚寺左少卿林長懋至出
爲欽州知州右司直郎蔣先爲尚寶司丞張景良
爲四川順慶府通判清紀郎韓岫爲刑科給事中左
司諫林宗儒王永錫爲鴻臚寺司賓司儀署丞右司
諫吳顥爲國子監助教司經局校書馮景浩爲禮科
給事中正字陶永成爲國子監學正其不出外局者
獨左贊善蘭從善左司直蔣驥高穀得翰林侍講而
已豈其時宮臣之設未幾又多不由科第進者耶而
欽州之除又何也綸尋出鎮交趾以舊嫌逮下

獄死并諸父河南知府賢太僕寺卿希文百口俱籍
沒希文幼子下蚕室至太監

景帝自邸邸即位邸府左長史儀銘爲禮部左侍郎
審理正俞綱爲太僕寺少卿伴讀章文爲太常寺丞
楊輿爲戶部郎中俞山爲鴻臚寺左寺丞良醫陸子
才忻克敬爲太醫院判審理副等官季亨等二十三
員爲州同知致仕右長史楊翥爲致仕禮部左侍郎
銘至兵部尚書加太子太保山綱至吏兵二部侍郎
俱加太子少傅少保文亦進尚書輿進侍郎
世宗由興邸入紹故左長史張景明贈太子少保文

淵閣大學士右長史袁宗臯超爲吏部左侍郎兼學士遂爲禮部掌文淵閣大學士紀善周詔爲少詹事兼侍讀至太常卿審理正高嵩太僕少卿伴讀吳大田太常寺丞典寶黎民右副都事典儀正王錦典儀副周璧鴻臚左右丞良醫副楊立太醫院判趙銘等復陞寺丞等官大田後至工部左侍郎高嵩趙銘俱太常寺卿

穆宗由裕邸入紹前授書侍讀高公拱加少保太子太保吏部左陳公以勤爲禮部尚書文淵閣大學士右侍郎張公居正爲左侍郎兼東閣大學士侍講學

士殷公士儋爲禮部右侍郎待詔等官王凝劉春庸俱加尚寶卿少等官有差閒住右諭德唐汝楫陞太常寺少卿致仕

布衣超擢

太祖自立國時省臺要地俱以勲舊充之其所聘用如劉誠意宋文憲輩雖禮寄優崇而頗循資序自胡陳之後群臣鮮當意者法網嚴密誅斥相繼而學士大夫亦多所引避於是不爰高爵越資以收天下之賢俊而有朝徒步暮金紫者求樂中亦間行之其可紀者儒士王本杜佑龔敷杜敷趙民望吳源爲四輔

官兼太子賓客位尚書上賢良郭允道秀才范敏魯
泰爲戶部尚書稅戶人才義門鄭沂爲禮部尚書儒
士趙翥爲工部尚書武英堂紀事監生黃義爲湖廣
行省叅政儒士張子源試禮部右侍郎張宗德試兵
部右侍郎耆儒劉培關賢爲諫院左右司諫兼左右
春坊左右庶子趙肅何顯周爲左右正言兼左右諭
德儒士藍子貞張伯益爲都察院左右副都御史陳
玄爲右僉都御史明經張文通阮仲志試左右僉都
御史人才赫從道試大理寺右少卿孝廉李德爲南
京應天府府尹儒士吳顥爲國子祭酒稅戶義門鄭

濟王懃爲春坊左右庶子賢良孟性賢爲廣西左叅
政文學宋亮爲福建左叅政儒士邢浩爲河南盧友
常爲山東齊瞻爲四川俱左布政使金良佐爲廣東
吳昭爲山西陳宗顏爲陝西俱右布政使又鄒伯源
等十一人爲各布政司叅政叅議又儒士張璲爲陝
西左布政使安慶善爲湖廣徐子民爲山東曹岱爲
浙江梁伯與爲河南彭友信爲北平韓宜可爲山西
李宜之爲江西俱右布政使又國子監生劉政鄧志
和爲福建左右顏鈍申達爲北平左右周振張璉爲
河南左右王允陳嘉爲山西左右薛郁董倫爲陝西

左右俱布政使楊允爲浙江楊鏞爲山東方溫爲湖
廣俱右布政使龍鐔爲浙江阮友章爲福建王禮爲
北平李皓爲山西曲能爲山東俱按察使蕭禮敬等
二十五人爲左右叅政叅議朱源等二十一人爲副
使僉事其一時銓補乃爾豈空印事發藩臬諸臣俱
得罪耶又以留守中衛指揮僉事陳燦子信試四川
左叅議鳳陽留守中衛指揮僉事韓春子恕試右叅
政則官舍也驍騎右衛千戶俞清弟立試廣東左叅
政府軍左衛千戶陳亨弟貞試右叅政則軍餘也抑
又異矣

又人材董從先魯昉楊仲禮署浙江王守政蔡均美
謝直方王秉彛署福建俱布政司而不言何官

永樂中人材馬麟爲湖廣盛儀爲浙江俞景周爲山
東周克敬爲廣西俱左布政使孫豫爲山西江潤爲
河南艾瑛爲浙江俱右布政使吳衡等六人爲叅政
叅議自是而後始絕響矣布衣躋方面可謂竒遇然
二朝諸公宋亮以下俱無登八座者

洪武中耆儒鮑恂余銓張長年同日拜文華殿大學
士以老固辭賜宴遣歸永樂中以儒士武周文爲翰
林侍講學士以老致仕天順中以布衣吳與弼爲左

春坊左諭德不就

臣等定刻集卷之十中交吏員漢學六人爲宋如
 東周克端爲黃西則立亦如對察察爲山西王聞爲
 宋樂中入林黑黠爲賊黃盜謝爲宋王倫景周爲山
 橋直才王東慶署副數財亦如向而不言何官也抑
 又入林董孫汝魯如財中監署宋王王如察以美

